



S T A T U T

NOGOMETNOG/FUDBALSKOG SAVEZA

BOSNE I HERCEGOVINE

Sarajevo, 26.05.2011.

S A D R Ž A J

I DEFINICIJA TERMINA

II OPŠTE ODREDBE

Područje primjene

Član 1

Pravni status

Član 2

Naziv, sjedište i obilježja

Član 3

Pravni subjektivitet, jezici i obaveze

Član 4

Neutralnost i nediskriminacija

Član 5

Pravila igre

Član 6

Igrači, sudije, treneri, medicinsko osoblje, zvaničnici i drugi učesnici u organizovanom nogometu/fudbalu

Član 7

Ciljevi i zadaci

Član 8

III ČLANSTVO

Članovi NS/FS BIH

Član 9

Prijem u članstvo

Član 10

Zahtjev i procedura za prijem

Član 11

Prava članova

Član 12

Obaveze članova

Član 13

Povlačenje iz članstva, rasupuštanje člana

Član 14

Suspenzija

Član 15

Isključenje

Član 16

IV POČASNI PREDSEDNIK I POČASNI ČLANOVI

Počasni predsjednik i počasni članovi

Član 17

V ORGANIZACIJA

Tijela NS/FS BiH i nezavisnost

Član 18

Uslovi za status člana tijela NS/FS BiH

Član 19

VI GENERALNA SKUPŠTINA

Najviše tijelo NS/FS BiH

Član 20

Sastav Generalne skupštine

Član 21

Delegati

Član 22

Kvorum prisustva Skupštini

Član 23

Nadležnost Skupštine

Član 24

Redovna Generalna skupština

Član 25

Vanredna Skupština

Član 26

Predsjedavajući Skupštine

Član 27

Izbori

Član 28

Kvorum za odlučivanje

Član 29

Odluke i stupanje na snagu

Član 30

Zapisnik

Član 31

Izmjene Statuta

Član 32

VII IZVRŠNI ODBOR

Struktura i sastav

Član 33

Kandidature, mandat i zamjena članova

Član 34

Nadležnost Izvršnog odbora

Član 35

Sjednice i dnevni red

Član 36

Kvorum prisustva

Član 37

Kvorum za donošenje odluka i stupanje na snagu

Član 38

Komitet za hitnost NS/FS BiH

Član 39

Nadležnosti i odlučivanje

Član 40

Predsjednik NS/FS BIH

Član 41

Isključenje pojedinca ili tijela

Član 42

VIII KOMITETI

Stalni i ad hoc komiteti

Član 43

Sastav i imenovanje komiteta

Član 44

Sjednice, ovlaštenja za donošenje odluka i druge odredbe

Član 45

IX GENERALNI SEKRETARIJAT

Zadaci

Član 46

Odgovornosti

Član 47

Generalni sekretar

Član 48

X FINANSIJE

Finansijska godina, budžet i odgovornosti

Član 49

Nezavisni revizor

Član 50

XI PRIHODI I RASHODI NS/FS BIH

Prihodi i rashodi

Član 51

Financijski principi

Član 52

XII MEDIJI

Prava u vezi s takmičenjima i prava u vezi s utakmicama

Član 53

XIII TAKMIČENJA

Takmičenja na nivou BiH

Član 54

Takmičenja NS/FS BIH

Član 55

Domaće i međunarodne utakmice i takmičenja

Član 56

Pravila takmičenja

Član 57

Licenciranje klubova

Član 58

Kombinacije i savezi klubova

Član 59

XIV PRAVNA TIJELA

Pravna tijela i sastav

Član 60

Sazivanje sastanaka, kvorum prisustva i odlučivanja

Član 61

Disciplinska komisija

Član 62

Apelaciono tijelo

Član 63

Tužioci NS/FS BIH

Član 64

Tijela za licenciranje klubova

Član 65

XV DISCIPLINSKA PRAVILA

Disciplinska nadležnost

Član 66

Disciplinski propisi i mjere

Član 67

Disciplinska tijela

Član 68

XVI SPOROVI

Nezavisni i nepristrani Arbitražni sud - CAS

Član 69

Nadležnost

Član 70

XVII ZAVRŠNE ODREDBE

Važeći zakoni

Član 71

Pitanja koja nisu obuhvaćena Statutom

Član 72

Raspuštanje Saveza

Član 73

Usvajanje Statuta

Član 74

Stupanje na snagu

Član 75

Obaveza usklađivanja sadašnjih statuta

Član 76

Prelazna odredba o izborima NS/FS BiH u 2011. godini

Član 77

Na osnovu Zakona o udruženjima i fondacijama Bosne i Hercegovine (Službeni glasnik BiH broj 32/01 i 42/03), Statuta FIFA-e i Statuta UEFA-e, Skupština Nogometnog/Fudbalskog saveza Bosne i Hercegovine, na sjednici održanoj 26. 05. 2011. godine, usvojila je

S T A T U T

NOGOMETNOG/FUDBALSKOG SAVEZA

BOSNE I HERCEGOVINE

I DEFINICIJA TERMINA

- FIFA: Federation Internationale de Football Association
(Međunarodna fudbalska asocijacija)
- UEFA: Union des Associations Europeennes de Football
(Evropska fudbalska unija)
- IFAB: International Football Association Board/
Međunarodni nogometni odbor koji donosi Pravila igre
- Savez: ~~Nogometni/Fudbalski savez Bosne i Hercegovine, koji se~~
entitetskom nivou:
 - a) Nogometni savez Federacije Bosne i Hercegovine
(skraćeno: NS FBiH)
 - b) Fudbalski savez Republike Srpske (skraćeno FS RS)
- Asocijacije: ~~Dva nogometna/fudbalska saveza, priznata kao članovi~~
Nogometnog/Fudbalskog saveza Bosne i Hercegovine,

odnosno Nogometni savez Federacije BiH i Fudbalski savez Republike Srpske. Nadalje, moguće je da postoje i udruženja klubova ili pojedinaca (treneri, sudije i dr.)

- Kantonalni ili regionalni /područni/ nogometni/fudbalski savezi: Nogometne/fudbalske organizacije definisane u skladu sa pravnom strukturom Bosne i Hercegovine i službeno učlanjene u NS FBiH i FS RS.
- Dužnosnik: Svaki član komiteta ili komisije i pojedinci kao što su sudije, pomoćni sudije, treneri i drugi pojedincni odgovorni za tehnička, administrativna i medicinska pitanja u NS/FS BiH, ligama ili klubovima
- Igrač: Svaki nogometaš/fudbaler registrovan u skladu sa važećim FIFA-inim odredbama
- Organizirani nogomet/fudbal : Nogomet/Fudbal koji je pod kontrolom FIFA-e i koji se organizira u skladu sa Pravilima igre
- Skupština: Najviše zakonodavno tijelo NS/FS BiH
- Izvršni odbor: Izvršni organ NS/FS BiH
- Član: Pravno ili fizičko lice koje je Skupština primila u članstvo NS/FS BIH
- Redovni sudovi: Redovni sudovi u Bosni i Hercegovini, koji rješavaju sporove u skladu sa nadležnošću propisanom Ustavom Bosne i Hercegovine i drugim zakonima Bosne i Hercegovine
- Arbitražni tribunal: Nezavisni i nepristrani arbitražni tribunal koji su osnovala fizička lica i koje djeluje umjesto redovnog suda u okviru djelokruga rada i nadležnosti, osnovano u skladu sa državnim zakonima Bosne i Hercegovine.
- CAS : Sud za arbitražu u sportu, u Lozani (Švicarska).

NAPOMENA: Termini koji se odnose na fizička lica važe za oba gramatička roda/pola, a svaki termin u jednini važi za množinu i obratno.

II OPŠTE ODREDBE

Područje primjene

Član 1.

Ovim Statutom, a u skladu sa zakonom, uređuju se sljedeća pitanja: naziv i sjedište NS/FS BiH, skraćeni naziv, adresa, ciljevi, prava i dužnosti udruženih članova, tijela NS/FS BiH, nadležnosti, pravila glasanja, korištenje i raspolaganje sredstvima NS/FS BiH, javnost rada, zastupanje, rješavanje sporova, prestanak Saveza i raspolaganje sredstvima, financijski izvori, izmjene i dopune Statuta i druga pitanja.

Pravni status

Član 2.

- ¹ Nogometni/Fudbalski savez Bosne i Hercegovine (u daljem tekstu: NS/FS BIH) je privatna organizacija tipa udruženja, u koje su ravnopravno udruženi NS F BIH i FS RS. Osnovan je na neodređen vremenski period.
- ² NS/FS BIH je nevladino, nepolitičko, nezavisno sportsko udruženje od javnog interesa, koje je osnovano udruživanjem dva entitetska nogometna/fudbalska saveza, u cilju unapređenja i razvoja nogometa/fudbala u Bosni i Hercegovini.
- ³ NS/FS BIH je, u skladu sa svojim karakterom, organizacijom i ciljevima, samostalna nogometna/fudbalska asocijacija na nivou BiH, sa zadatkom da organizuje i promoviše nogometni/fudbalski sport u BiH, u skladu sa ovim Statutom i odlukama Skupštine i Izvršnog odbora NS/FS BIH, kao i Statutom, propisima, direktivama i odlukama FIFA-e i UEFA-e.

Naziv, sjedište i obilježja

Član 3.

- ¹ Naziv sportskog udruženja je: Nogometni/Fudbalski savez Bosne i Hercegovine (skraćeno: NS/FS BIH).
- ² Sjedište Saveza je u Sarajevu, Ulica Ferhadija broj 30.
- ³ NS/FS BIH ima svoj pravovaljano registrovan znak, zastavu, pečat i štambilj, u skladu sa državnim zakonodavstvom.

- 4 Oblik i sadržaj znaka, zastave, teksta pečata i štambilja utvrđuje Izvršni odbor NS/FS BIH.

Pravni subjektivitet, jezici i obaveze

Član 4.

- 1 NS/FS BIH ima svojstvo pravnog lica, sa pravima i obavezama utvrđenim važećim zakonom i ovim Statutom.
- 2 NS/FS BIH se upisuje u registar nadležnog ministarstva Bosne i Hercegovine, u skladu sa Pravilnikom o registraciji udruženja građana i fondacija Bosne i Hercegovine.
- 3 NS/FS BIH za preuzete obaveze odgovara sopstvenom imovinom (potpuna odgovornost).
- 4 NS/FS BIH ima svoj bankovni račun.
- 5 Službeni jezici NS/FS BIH su oni jezici koji su definisani Ustavom BiH, uz ravnopravnu upotrebu latiničnog i ćirilicnog pisma.
- 6 NS/FS BIH je član FIFA-e i UEFA-e. U skladu s tim on preuzima obavezu:
- a) da poštuje principe lojalnosti, integriteta i sportskog duha u skladu sa duhom i pravilom fer-pleja;
 - b) da se pridržava važećih Pravila igre, kako ih je usvojio IFAB i Pravila igre za mali nogomet/fudbal i Pravila igre za fudbal na pijesku, koja je objavio Izvršni odbor FIFA-e;
 - c) da se pridržava Statuta, propisa i direktiva FIFA-e i UEFA-e, kao i odluka donesenih u okviru tih organizacija, te osiguravanje da te odluke poštuju i svi njegovi članovi;
 - d) da priznaje nadležnosti Arbitražnog suda za sport (CAS) u Lozani (Švicarska), kako je navedeno u relevantnim odredbama Statuta FIFA-e i Statuta UEFA-e;
 - e) da učestvuje u takmičenjima koja organizuju FIFA i UEFA, u skladu sa odgovarajućim takmičarskim propisima, te posebno plaćanja traženih kotizacija;
 - f) da će sve sporove državnog karaktera koji proizađu iz primjene njegovog Statuta ili propisa, ili u vezi s istima, podnositi isključivo pred nezavisni i nepristrani arbitražni tribunal, osnovan u skladu sa zakonima Bosne i Hercegovine, koji će donijeti konačno rješenje spora;

- g) da svoje aktivnosti vodi nezavisno i osigura da te aktivnosti ne budu pod uticajem trećih lica, te da usvoji proceduru koja garantira potpunu nezavisnost izbora ili imenovanja članova statutarnih tijela NS/FS BiH;
- h) da osigurava da će njegovi članovi, klubovi, igrači, službena lica, zastupnici utakmica i zastupnici igrača – putem svojih statuta, licenci, registracija, ili nekog drugog pisanog dokumenta, pristati da:
- i) se pridržavaju principa lojalnosti, integriteta i sportskog duha u skladu sa duhom fer-pleja;
 - ii) da poštuju član 5. ovog Statuta, u pogledu neutralnosti i nediskriminacije;
 - iii) se pridržavaju važećih Pravila igre, kako ih je objavio IFAB, kao i Pravila igre za mali nogomet/fudbal i nogomet/fudbal na pijesku, koja je objavio Izvršni odbor FIFA-e;
 - iv) se obavežu Statutom, propisima i direktivama NS/FS BIH, FIFA-e i UEFA-e, kao i odlukama donesenim u skladu sa njima, da će se pridržavati istih;
 - v) priznaju nadležnost CAS-a, kako je navedeno u relevantnim odredbama Statuta FIFA-e i Statuta UEFA-e;
 - vi) sve sporove državnog karaktera koji su rezultat ili proizilaze iz primjene Statuta NS/FS BIH, propisa, direktiva ili odluka donesenih na osnovu Statuta ili u vezi sa bilo kakvim ugovorom, u posljednjoj instanci iznose pred isključivu nadležnost nezavisnog i nepristranog arbitražnog tribunala, konkretno CAS-a u Lozani (Švicarska), kako je to navedeno u relevantnim odredbama FIFA-inog i UEFA-inog statuta, dok propisima Bosne i Hercegovine ne bude ustanovljen odgovarajući arbitražni tribunal na teritoriji Bosne i Hercegovine, koji ispunjava minimalne zahtjeve FIFA-e i UEFA-e. CAS će davati konačna rješenja takvih sporova bez učešća redovnog suda, osim ako to nije eksplicitno zabranjeno važećim zakonodavstvom u Bosni i Hercegovini.

⁷ NS/FS BIH saraduje sa Olimpijskim komitetom Bosne i Hercegovine, kao i sa ostalim sportskim organizacijama.

Neutralnost i nediskriminacija

Član 5.

¹ NS/FS BiH je neutralan u političkim i vjerskim pitanjima.

- ² Diskriminacija bilo koje vrste, protiv neke zemlje, privatnog lica ili grupe ljudi, na osnovu etničkog porijekla, spola, jezika, politike ili bilo kog drugog razloga, strogo je zabranjena i može se sankcionisati suspenzijom, isključenjem ili drugim disciplinskim mjerama.

Pravila igre

Član 6.

- ¹ NS/FS BiH i svaki njegov član igraju organizovani nogomet/fudbal u skladu sa Pravilima igre koje je izdao IFAB, ili sa Pravilima igre za mali fudbal i fudbal na pijesku, koje je izdao Izvršni komitet FIFA-e.
- ² Samo IFAB ili Izvršni komitet FIFA-e mogu propisati ili izmijeniti odgovarajuća Pravila igre.

Igrači, sudije, treneri, medicinsko osoblje, službena lica i drugi učesnici u organizovanom nogometu/fudbalu

Član 7.

- ¹ Status igrača i odredbe o njihovom transferu uređuje Izvršni komitet u skladu s važećim FIFA-inim Propisima o statusu i transferu igrača.
- ² Izvršni komitet uređuje registraciju igrača, sudija, trenera, medicinskog osoblja, službenih lica, kao i drugih pojedinca koji učestvuju u organizovanom nogometu/fudbalu. Uslovi takve registracije mogu porazumijevati ispunjavanje određenog školovanja, obuke i/ili medicinskih testova.

Ciljevi i zadaci

Član 8.

- ¹ Ciljevi NS/FS BiH su sljedeći:
 - a) da se bavi svim pitanjima koji se odnose na nogomet/fudbal na cijelom teritoriju Bosne i Hercegovine;
 - b) da neprestano unapređuje sve vrste nogometa/fudbala i da ga uređuje i kontrolše na cijelom teritoriju Bosne i Hercegovine, u smislu fer-pleja i njegovih ujedinjavajućih, obrazovnih, kulturnih i humanitarnih vrijednosti, naročito kroz omladinske i razvojne programe;
 - c) da organizira takmičenja u organizovanom nogometu/fudbalu u svim njegovim oblicima na nivou države, tako što će, gdje je to potrebno, definirati područja nadležnosti entitetima koji ga čine;

- d) da održava kontakte i da sarađuje sa FIFA-om i UEFA-om, kao i sa nogometnim/fudbalskim savezima koji su njihovi članovi;
- e) da štiti i poštuje prava i interese svojih članova i da rješava sporove među njima;
- f) da unapređuje nogomet/fudbal u duhu mira i fer-pleja, bez ikakve diskriminacije;
- g) da poštuje principe lojalnosti, integriteta i sportskog duha u skladu sa principima fer-pleja;
- h) da sprječava sve metode ili prakse koje ugrožavaju integritet utakmica ili takmičenja ili uvećavaju zloupotrebu NS/FS BiH;
- i) da kontroliše ili nadzire prijateljske nogometne/fudbalske utakmice svih oblika, koje se igraju na teritoriji NS/FS BiH;
- j) da organizuje i prati suđenja na teritoriji NS/FS BiH i definira područja nadležnosti delegirane entitetskim savezima;
- k) da ustanovi odgovarajuće mjere i programe antidopinga;
- l) da organizuje i provodi licenciranje klubova;
- m) da osigura izricanje disciplinskih mjera koje su propisala odgovarajuća pravna tijela NS/FS BiH;
- n) da zaštiti integritet domaćih takmičenja.

² Kao dio gore definisanih ciljeva, NS/FS BiH je odgovoran za sljedeće:

- a) rukovođenje svim takmičenjima koja se održavaju na nivou Bosne i Hercegovine i definiranje uslova njihove organizacije;
- b) definiranje opštih organizacionih i administrativnih principa za nogomet/fudbal u Bosni i Hercegovini;
- c) pripremanje i provođenje programa i pravilnika školovanja i stručnog usavršavanja kadrova za rad u nogometu/fudbalu u Bosni i Hercegovini;
- d) učešće u međunarodnim takmičenjima, organizacija i rukovođenje svim reprezentativnim selekcijama;
- e) održavanje kontakata sa FIFA-om i UEFA-om i, po potrebi, predlaganje predstavnika u tijela tih organizacija;
- f) definisanje ovlaštenja koja se dodjeljuju entitetskim savezima ili bilo kojem udruženju na nivou NS/FS BiH, kao i njihova prava i obaveze;

- g) osiguravanje da njegovi uključeni članovi mogu donositi sve odluke po bilo kojem pitanju vezanom za članstvo nezavisno od bilo kojeg vanjskog tijela;
- h) osiguravanje da nijedno ni fizičko ni pravno lice (uključujući holdinge i podružnice) ne vrši kontrolu u više od jednog kluba kadgod bi mogao biti ugrožen integritet neke utakmice ili takmičenja.

III ČLANSTVO

Članovi NS/FS BIH

Član 9.

- ¹ NS/FS BIH se trenutno sastoji od sljedeće dvije asocijacije:
 - a) Nogometni savez Federacije Bosne i Hercegovine (NS F BiH), koji se sastoji od deset (10) kantonalnih/županijskih nogometnih/fudbalskih saveza, i
 - b) Fudbalski savez Republike Srpske (FS RS), koji se sastoji od sedam (7) područnih fudbalskih saveza.
- ² Teritorijalna baza te dvije asocijacije odgovara entitetima, onako kako su definisani Daytonskim mirovnim sporazumom i Ustavom Bosne i Hercegovine.
- ³ Članovi NS/FS BIH mogu biti i asocijacije klubova, kao i asocijacije pojedinaca (treneri, sudije i dr.), ukoliko ispunjavaju uslove propisane ovim Statutom, te ako su podređeni NS/FS BiH i on ih priznaje.

Prijem u članstvo

Član 10.

- ¹ Skupština NS/FS BIH, na osnovu preporuke Izvršnog odbora NS/FS BIH, prima u članstvo i vrši suspenziju ili isključuje iz članstva bilo kojeg člana NS/FS BIH.
- ² Svako pravno lice koje želi postati član NS/FS BiH mora se pismeno prijaviti Generalnom sekretarijatu, koji podnosi pismeni izvještaj Izvršnom komitetu.
- ³ Zahtjev sadrži:
 - a) primjerak zakonski važećeg Statuta i propisa, osnivački dokument i dokaz o registraciji kod nadležnog državnog organa;

- b) izjavu da će se sve domaće utakmice igrati na teritoriji Bosne i Hercegovine;
- c) izjavu da se podnosilac prijave obavezuje da će uvijek poštivati Statut, propise, direktive i odluke NS/FS BiH, FIFA-e, UEFA-e, te osigurati da ih poštuju i svi njegovi članovi, klubovi, službena lica, igrači i treneri;
- d) izjavu da je podnosilac prijave saglasan da se pridržava važećih Pravila fudbalske igre koja je objavio IFAB, kao i Pravila igre za mali nogomet/fudbal i nogomet/fudbal na pijesku, koja je objavio Izvršni odbor FIFA-e;
- e) izjavu da priznaju nadležnost Arbitražnog suda (CAS) u Lozani (Švicarska), kako je navedeno u relevantnim odredbama Statuta FIFA-e i Statuta UEFA-e;
- f) izjavu da je saglasan da će u posljednjoj instanci svi sporovi domaćeg karaktera, koji proizilaze ili su vezani za primjenu Statuta NS/FS BiH, propisa, direktiva ili odluka donesenih na osnovu tog Statuta, ili vezanih za bilo kakav ugovor, prosljeđivati na isključivu nadležnost nezavisnog i nepristrasnog arbitražnog tribunala, konkretno CAS-a u Lozani (Švicarska), kako je to navedeno u relevantnim odredbama statuta FIFA-e, UEFA-e i NS/FS BiH, dok se zakonodavstvom Bosne i Hercegovine ne uspostavi odgovarajući arbitražni tribunal, koji zadovoljava minimalne zahtjeve FIFA-e i UEFA-e. CAS će donositi konačna rješenja sporova bez redovnih sudova, osim ako to nije eksplicitno zabranjeno važećim zakonodavstvom Bosne i Hercegovine;
- g) izjavu kojom se pokazuje da zakonski sastav podnosioca zahtjeva za članstvo u NS/FS BiH, bez obzira na svoju pravnu strukturu, garantuje da je u stanju sve svoje odluke donositi nesavisno od bilo kojeg vanjskog tijela;
- h) dosje koji sadrži detalje o organizacionoj strukturi podnosioca zahtjeva (npr. broj klubova, igrača, službenih lica, sudija, trenera, imovine i tijela, itd.);
- i) listu svojih službenika, navodeći one koji su ovlašteni potpisnici sa pravom izvršenja pravno obavezujućih sporazuma sa trećim stranama;
- j) izjavu da se podnosilac zahtjeva slaže da će organizirati i učestvovati u prijateljskim utakmicama samo uz prethodnu saglasnost NS/FS BiH;
- k) primjerak zapisnika sa zadnje sjednice generalne skupštine podnosioca zahtjeva, ili sa njegove osnivačkog sastanka;
- l) izjavu da će podnosilac zahtjeva osigurati da se njegovi članovi, klubovi, dužnosnici, igrači, treneri, medicinsko osoblje i dr. pridržavaju zahtjeva navedenih pod gornjim tačkama b) do g) putem statuta, registracije,

licence ili nekog drugog pisanog i potpisanog dokumenta;

- 4 Asocijacije pojedinaca (kao što su sudije, treneri i dr.) nadalje moraju svoje aktivnosti organizovati na cijeloj teritoriji Bosne i Hercegovine i to navesti u svojoj prijavi.
- 5 Asocijacije ili grupe klubova nadalje moraju dati izjavu da niti jedno pravno ili fizičko lice (uključujući holding kompanije i podružnice) nema kontrolu nad više od jednog kluba ili grupe, kad god bi integritet bilo koje utakmice ili takmičenja mogao biti ugrožen.

Zahtjev i procedura za prijem u članstvo

Član 11.

- 1 Skupština usvaja posebne propise koji regulišu proceduru prijema.
- 2 Izvršni odbor Generalnoj skupštini preporučuje da li da primi, ili ne primi nekog podnosioca zahtjeva u članstvo.
- 3 Podnosilac zahtjeva može iznijeti Generalnoj skupštini razloge za svoju prijavu za članstvo.
- 4 Generalna skupština na osnovu svog punog diskrecionog prava donosi konačnu odluku o prijavi nekog kandidata za članstvo u NS/FS BiH. Delegati imaju pravo da glasaju, a rezultati tog glasanja na snagu stupaju odmah.

Prava članova

Član 12.

- 1 Članovi imaju sljedeća prava:
 - a) da učestvuju u Generalnoj skupštini NS/FS BiH da unaprijed dobiju njen dnevni red, da budu pozvani na Generalnu skupštinu u propisanom vremenu, te da ostvaruju svoje pravo glasa;
 - b) da daju prijedloge za uključenje u dnevni red Generalne skupštine;
 - c) da nominuju kandidate za izbor u sva tijela NS/FS BiH;
 - d) da podnose zahtjev za sazivanje Vanredne Generalne skupštine;
 - e) da budu obaviješteni o poslovima NS/FS BiH, kroz njena zvanična tijela;

- f) da učestvuju u takmičenjima (ako je to primjenjivo) i/ili drugim sportskim aktivnostima koje organiziraj NS/FS BiH;
 - g) da ostvaruju sva druga prava koja proizilaze iz Statuta i propisa NS/FS BiH.
- 2 Ostvarivanje ovih prava podliježe drugim odredbama Statuta I važećih propisa.

Dužnosti članova

Član 13.

- 1 Članovi imaju sljedeće dužnosti:
- a) da u potpunosti i uvijek poštuju Statut, propise, direktive i odluke tijela NS/FS BiH, kao i odluke CAS-a donesene po žalbi na osnovu ovog Statuta;
 - b) da učestvuju u takmičenjima koja organizira NS/FS BiH (ako je to primjenjivo);
 - c) da plaćaju članarinu i druge naknade, kako to definira NS/FS BiH;
 - d) da usvoje statutarnu odredbu koja precizira da član, kao i njegovi pridruženi članovi, klubovi, službena lica, igrači, treneri i dr. moraju:
 - I. pridržavati se Statuta, propisa, direktiva FIFA-e, UEFA-e I NS/FS BiH, kao i odluka drugih tijela;
 - II. poštivati principe lojalnosti, integriteta, sportskog duha i fer pleja;
 - III. poštivati Pravila fudbalske igre koja je izdao IFAB, ili Pravila fudbalske igre za mali fudbal i fudbal na pijesku, koja je izdao Izvršni komitet FIFA-e;
 - IV. priznavati CAS kao nezavisni i nepristrasni arbitražni tribunal za državna I međunarodna pitanja, kako je to definirano ovim Statutom, kao i Statutima FIFA-e i UEFA-e, te prihvatiti svaku odluku CAS-a;
 - V. izbjegavati bilo kakav oblik diskriminacije, kako je to definirano članom 5. ovog Statuta;
 - VI. osigurati da njihovo izvršno tijelo bude slobodno izabrano, te da njihova druga statutarna tijela budu birana ili imenovana na potpuno nezavisan način, bez uticaja trećih lica;
 - VII. osigurati da izabrani delegati ili zamjenski delegati za Generalnu skupštinu NS/FS BiH imaju dužnost da prisustvuju redovnoj ili izvanrednoj Generalnoj skupštini;
 - VIII. osigurati da imenovani ili izabrani članovi ili zamjenski članovi nekog statutarnog tijela NS/FS BiH imaju dužnost da prisustvuju sastancima na koje su pozvani

- ix. osigurati da klubovi mogu sve svoje odluke donosti nezavisno od trećih lica i bez obzira na korporativnu strukturu koju je klub izabrao, te uzimajući u onzir propise o zaštiti integriteta takmičenja;
- e) da svoje poslove vode nezavisno i da osiguraju da njihovi poslovi nisu pod uticajem trećih lica;
 - f) da održavaju izbornu Generalnu skupštinu u istoj godini kad i NS/FS BiH, a između 30 i 90 dana prije datuma izborne Generalne skupštine NS/FS BiH;
 - g) da osiguraju da je mandat njihovih predsjednika maksimalno četiri godine.
 - h) da poštuju i unapređuju jedinstvo NS/FS BiH;
 - i) da ne održavaju bilo kakve kontakte sa savezima članovima FIFA-e i UEFA-e bez prethodnog odobrenje NS/FS BiH; isto važi za bilo koji savez koji je suspendiran ili isključen iz FIFA-e ili UEFA-e, uključujući pridružene članove;
 - j) da se u potpunosti pridržavaju svig drugih dužnosti koje proizilaze iz ovog Statuta I drugih propisa.
- 2 NS F BIH i FS RS se obavezuju da će blisko sarađivati sa NS/FS BIH u cilju razvoja i unapređenja nogometa/fudbala na svim nivoima, kao i na organizaciji takmičenja na nivou BiH.
- 3 NS/FS BIH organizuje završna takmičenja državnih šampionata za seniorski i juniorski fudbal (top divizija), kao i državna kup takmičenja i finalna takmičenja u različitim kategorijama omladinskog, ženskog i malog fudbala, te kup regija. Sva druga postojeća takmičenja su u nadležnosti saveza članova (NS F BiH i FS RS).
- 4 NS F BIH i FS RS imaju pravo i obaveze vezano za takmičenja u njihovoj nadležnosti. U skladu sa propisima NS/FSBIH, imaju i obavezu da:
- a) registruju klubove i pojedince (igrače, trenere, sudije i zvaničnike) i vode evidenciju o njima;
 - b) odobravaju stadione i druge fudbalske objekte, koji su smješteni na njihovoj teritoriji;
 - c) NS/FS BIH pružaju sve potrebne informacije na njegov zahtjev.
- 5 Oni mogu dodijeliti gore navedena prava i dužnosti u nadležnost kantonalnim ili područnim savezima, uz saglasnost NS/FS BIH.
- 6 Ako bilo koji član prekrši gore navedene dužnosti, to može dovesti do sankcija predviđenih ovim Statutom. Nadležna pravna tijela NS/FS BiH mogu izreći daljne sankcije.

Povlačenje iz članstva i raspuštanje člana

Član 14.

- ¹ Član NS/FS BIH može se povući iz članstva u NS/FS BIH sa stupanjem na snagu od kraja financijske godine. Obavještenje o povlačenju mora stići u Generalni sekretarijat NS/FS BIH najkasnije šest mjeseci prije kraja financijske godine i mora biti poslano preporučenom poštom.
- ² Povlačenje ne oslobađa člana koji želi da se povuče od obaveze plaćanja svih njegovih finansijskih obaveza prema NS/FS BIH i drugim članovima NS/FS BiH.
- ³ Povlačenje za sobom vuče gubitak statusa člana NS/FS BIH sa svim njegovim pravima, s trenutnim dejstvom.
- ⁴ Iste posljedice važe i u slučaju raspuštanja nekog člana NS/FS BIH.
- ⁵ Ako se NS FBIH ili FS RS povuče iz NS/FS BIH, za taj entitet prestaje primjena statutarnih odredaba, dok NS/FS BIH nastavlja svoje aktivnosti kao priznata državna asocijacija udružena u FIFA-u i UEFA-u.

Suspenzija

Član 15.

- ¹ Generalna skupština je odgovorna za suspenziju svog člana. Izvršni komitet može, pak, suspendirati člana za teško kršenje svoji obaveza iz članstva, i takva odluka odmah stupa na snagu. Suspenzija je na snazi do sljedeće Generalne skupštine, osim ako je u međuvremenu ne ukine Izvršni komitet.
- ² Suspenzija se potvrđuje na sljedećoj Generalnoj skupštini, ako joj podršku da najmanje tročetvrtinska većina svih propisno izabranih delegata u Generalnoj skupštini. Ako se ne potvrdi, suspenzija se automatski ukida.
- ³ Suspendovani član gubi sva svoja prava iz članstva.
- ⁴ Suspendovani član zadržava svoje dužnosti, u skladu sa članom 13. u gornjem tekstu.
- ⁵ Pravna tijela mogu nametnuti daljne sankcije.

Isključenje

Član 16.

- ¹ Skupština NS/FS BIH ima pravo da isključi člana NS/FS BIH, ako taj član:

- a) ne ispunjava svoje finansijske obaveze prema NS/FS BiH;
- b) teško i/ili ponovljeno prekrši Statut, propise, direktive ili odluke FIFA-e, UEFA-e ili NS/FS BiH;
- c) ozbiljno ugrožava interese i jedinstvo NS/FS BiH;

² Isključeni član gubi sva svoja prava i dužnosti propisane Statutom, propisima, direktivama i odlukama tijela NS/FS BiH. Međutim suspendovani ili isključeni član nije oslobođen obaveze plaćanja svih svojih finansijskih obaveza prema NS/FS BiH, svojih ili obaveza svojih drugih članova.

IV POČASNI PREDsjedNIK I POČASNI ČLANOVI

Počasni predsjednik i počasni članovi

Član 17.

- ¹ Na prijedlog Izvršnog odbora NS/FS BiH, Skupština NS/FS BiH može dodijeliti status počasnog predsjednika ili počasnog člana NS/FS BiH. Taj status dodjeljuje se za posebne zasluge u nogometu/fudbalu.
- ² Počasni predsjednici i počasni članovi NS/FS BiH mogu prisustvovati Skupštini NS/FS BiH u savjetodavnom svojstvu, ali nemaju pravo glasa.

V ORGANIZACIJA

Tijela i nezavisnost NS/FS BiH

Član 18.

- ¹ NS/FS BiH ima sljedeća tijela koja donose odluke:
 - a) Generalna skupština (zakonodavno tijelo);
 - b) Izvršni odbor (izvršno tijelo);
 - c) Predsjednik (predstavničko tijelo);
 - d) Pravna tijela;
 - e) Generalni sekretar (administrativno tijelo).

- 2 NS/FS BIH ima sljedeća konsultativna tijela:
- a) Stalne komitete;
 - b) Ad-hok komitete;
- 3 Pri izvršavanju svojih funkcija, svi članovi tijela za odlučivanje ili konsultativnih tijela NS/FS BIH moraju se pridržavati FIFA-inog Etičkog kodeksa, kao i ovog Statuta, propisa, direktiva i odluka koje donesu tijela NS/FS BiH.
- 4 Član bilo kojeg statutarnog tijela NS/FS BiH definisanog u stavu 1 ne može istovremeno biti i član bilo kojeg drugog tijela NS/FS BiH, delegat Skupštine ili član CAS-a.
- 5 Član takvih statutarnih tijela NS/FS BiH ne može učestvovati u donošenju odluka po bilo kojem pitanju u kojem postoji ili može nastati sukob interesa.
- 6 Raspored članova u statutarna tijela NS/FS BIH treba odražavati principe definisane u Ustavu i Daytonskom mirovnom sporazumu (tj. dvije trećine (2/3) članova nekog tijela predstavljaju NS F BiH, a jedna trećina (1/3) članova predstavlja FS RS).
- 7 Glasanje putem opunomoćenika u nekom statutarnom tijelu nije dozvoljeno.
- 8 Svaki član nekog organa ili tijela NS/FS BiH ima jedan glas.

Uslovi za status člana tijela NS/FS BIH

Član 19.

- 1 Da bi postao kandidat za neko statutarno tijelo u NS/FS BIH, to lice mora ispunjavati sve sljedeće uslove. On ili ona mora:
- a) biti udružen u FS F BiH, FS RS ili u neki od njihovih statutarnih članova;
 - b) biti ili izabran ili imenovan kao član statutarnog tijela NS F BiH, FS RS, ili u nekog od njihovih statutarnih članova;
 - c) biti aktivan/aktivna u nogometu/fudbalu;
 - c) biti državljanin Bosne i Hercegovine i priložiti biografiju (CV) koja sadrži informacije o obrazovanju i profesionalnim iskustvima;
 - e) biti stalno nastanjen u ovoj zemlji;

- f) ne smije biti suspendiran ili isključen iz NS FBiH, FS RS ili nekog njihovog statutarnog člana;
 - g) podnijeti dokaz da protiv njega ne postoji krivična istraga niti da je osuđivan za krivično djelo na безусловnu kaznu dužu od tri mjeseca zatvora.
- 2 Zahtjevi stavova 1e) i 1g) ovoga člana primjenjuju se na Generalnog sekretara, i druge uposlenike Generalnog sekretarijata. Međutim, Izvršni komitet može kroz Organizacione propise za njih postaviti daljne zahtjeve.
- 3 Ako osoba tokom svog mandata u NS/FS BiH prestane ispunjavati jedan od uslova navedenih u stavu 1, onda ta osoba odmah gubi status člana datog tijela NS/FS BiH.

VI SKUPŠTINA NS/FS BiH

Najviše tijelo NS/FS BiH

Član 20.

- 1 Generalna skupština (Skupština) NS/FS BiH je najviši organ upravljanja i odlučivanja NS/FS BiH.
- 2 Skupština NS/FS BiH može zasjedati kao redovna ili vanredna skupština, što je detaljno uređeno Poslovníkom o radu Skupštine NS/FS BiH.
- 3 Sljedeće osobe se pozivaju da prisustvuju Skupštini:
- a) delegati članova NS/FS BiH;
 - b) članovi Izvršnog odbora NS/FS BiH;
 - c) počasni predsjednici i počasni članovi NS/FS BiH;
 - d) predsjednici i prvi potpredsjednici NS FBiH i FS RS;
 - e) generalni sekretari NS FBiH i FS RS; i
 - f) drugi pozvani gosti Izvršnog odbora NS/FS BiH.

- 4 Samo delegati članova NS/FS BiH imaju pravo glasa na Skupštini NS/FS BiH. Sve druge osobe koje prisustvuju Skupštini nemaju pravo glasa.

Sastav Generalne skupštine NS/FS BiH

Član 21.

- 1 Skupština NS/FS BiH sastoji se od šezdeset (60) delegata koje čine:
- a) četrdeset (40) delegata koji predstavljaju NS FBIH;
 - b) dvadeset (20) delegata koji predstavljaju FS RS.

Delegati Skupštine

Član 22.

- 1 Skupština NS FBIH bira četrdeset (40) delegata i dvadeset (20) zamjenskih delegata za mandat u trajanju od četiri (4) godine u skladu sa Pravilnikom o radu Skupštine NS/FS BiH.
- 2 Skupština FS RS bira 20 delegata i 10 zamjenskih delegata za mandat u trajanju od 4 godine u skladu sa Pravilnikom o radu Skupštine NS/FS BiH.
- 3 Delegat koji nije u mogućnosti da prisustvuje Skupštini iz bilo kog razloga, mora se odmah javiti Generalnom sekretaru NS/FS BiH, da bi imenovao zamjenu. Nakon obaveznih konsultacija sa odgovarajućim Generalnim sekretarom člana (NS FBIH ili FS RS), Generalni sekretar NS/FS BiH imenuje zamjenske delegate, nakon što od datog Generalnog sekretara dobije ažuriranu listu dostupnih zamjenskih delegata. Takav imenovani zamjenski delegat prisustvuje Skupštini NS/FS BiH umjesto onog delegata koji to nije u mogućnosti.
- 4 Mandat delegata ili zamjenskog delegata mora početi barem dva mjeseca prije održavanja bilo koje Skupštine NS/FS BiH.

Kvorum prisustva Skupštini

Član 23.

- 1 Skupština (redovna i vanredna) može pravovaljano donositi odluke ako je prisutno više od tri četvrtine (3/4) delegata.

- 2 U slučaju da nije postignut kvorum, Generalna skupština zasjeda po istom dnevnom redu narednog dana na istom mjestu i u isto vrijeme. Ovom drugom zasjedanju mora prisustvovati apsolutna većina (50% + 1) svih delegata da bi se donosile pravaoaljane odluke.
- 3 Ako se ponovo ne postigne taj kvorum, Izvršni odbor NS/FS BiH saziva novu Skupštinu po istom dnevnom redu u roku od 15 radnih dana. Generalni sekretar NS/FS BIH šalje pozive članovima i delegatima. Toj sjednici nije neophodan kvorum većina.

Nadležnost Skupštine

Član 24.

- 1 Skupština NS/FS BIH održava se u skladu sa Poslovníkom o radu Skupštine NS/FS BIH.
- 2 Skupština ima sljedeće nadležnosti:
- a) usvaja dnevni red 4;
 - b) imenuje tri delegata kao ovjerivače zapisnika;
 - c) usvaja zapisnike sa prethodne Skupštine (ako je to primjenjivo);
 - d) usvaja i vrši izmjene i dopune Statuta NS/FS BIH;
 - e) usvaja i vrši izmjene i dopune Poslovníka o radu Skupštine NS/FS BIH;
 - f) usvaja godišnje izvještaje Izvršnog odbora i pravnih tijela;
 - g) bira 13 članova Izvršnog odbora (uključujući zamjenske članove izvršnog odbora) na osnovu liste kandidata koju odobri Generalna skupština NS FBiH i Generalna skupština FS RS, na kojoj se nalazi najmanje 29 kandidata iz NS FBiH i najmanje 14 kandidata iz FS RS, te razrješava do 15 članova Izvršnog odbora;
 - h) bira od članova Izvršnog odbora Predsjednika, Prvog potpredsjednika i Drugog potpredsjednika;
 - i) bira i razrješava Predsjedavajućeg, Potpredsjedavajuće i redovne i zamjenske članove pravnih tijela;
 - j) imenuje radna tijela skupštine u skladu sa Poslovníkom o radu Skupštine (tj. Komitet za glasanje i Komitet za verifikaciju);

- k) primi izvještaj nezavisnog revizora;
- l) razmatra i usvaja Završni račun NS/FS BiH;
- m) usvaja budžet za narednu finansijsku godinu;
- n) na prijedlog Izvršnog odbora imenuje nezavisnog revizora;
- o) usvaja i vrši izmjene i dopune strukture takmičenja na teritoriji BiH;
- p) usvaja nova i ukida postojeća takmičenja na nivou BiH;
- q) razmatra i usvaja programe i planove za sve vrste takmičenja na nivou NS/FS BiH, na međunarodnom nivou, a sve na prijedlog Izvršnog odbora, te da bude domaćin finalnim turnirima FIFA-inih i UEFA-inih takmičenja;
- r) dodjeljuje titule počasnog predsjednika ili počasnog člana;
- s) vrši prijem, suspenziju i isključenje članova NS/FS BiH;
- t) odlučuje o raspuštanju NS/FS BiH;
- u) donosi odluke u vezi tačaka dnevnog reda po osnovu zahtjeva članova, u skladu s ovim Statutom;
- v) da opozove mandat jednog ili nekoliko članova nekog tijela NS/FS BiH.

³ Sve potrebne materijale po pitanjima koja su u nadležnosti Skupštine NS/FS BiH priprema Izvršni odbor NS/FS BiH, uz podršku nadležnih tijela i Generalnog sekretarijata.

Redovna Generalna skupština

Član 25.

¹ Redovna Skupština NS/FS BiH održava se jednom godišnje. Izvršni odbor NS/FS BiH određuje mjesto, datum i vrijeme i priprema nacrt dnevnog reda. Skupština se obično održava u prvoj polovini kalendarske godine.

² Generalni sekretar obavještava članove i delegate, kao i Generalni sekretarijat NS FBiH i FS RS, najmanje četrdeset pet (45) dana unaprijed, te im dostavlja nacrt dnevnog reda.

- 3 Članovi NS/FS BiH mogu Generalnom sekretaru dostaviti prijedlog za tačku dnevnog reda najkasnije trideset (30) dana prije održavanja Skupštine. Taj prijedlog treba da uključuje pismeni zahtjev sa kratkim pojašnjenjem i eventualne potrebne prateće materijale.
- 4 Izvršni odbor razmatra te prijedloge i, po potrebi, u skladu s njima unosi izmjenu u dnevni red.
- 5 Generalni sekretar šalje poziv za Skupštinu, zajedno s konačnim dnevnim redom, izvještajem Izvršnog odbora o aktivnostima, finansijskim izvještajima i revizorskim izvještajem, te svim drugim relevantnim dokumentima i listom kandidata koji će se birati, pozvanim osobama, najmanje deset (10) dana prije Skupštine.
- 6 Dnevni red redovne Skupštine može se mijenjati, pod uslovom da s tri četvrtine delegata prisutnih na Skupštini i sa pravom glasa saglase sa takvim prijedlogom.
- 7 Prije početka Skupštine Komitet za verifikaciju, na osnovu izvještaja Generalnog Sekretara, verifikuje da li delegati redovne Skupštine kao i kandidati za neki organ ili tijelo FS/NS BIH ispunjavaju sve uslove iz ovog Statuta i Poslovnika o radu Skupštine.

Vanredna Generalna skupština

Član 26.

- 1 Vanrednu Skupštinu može u bilo koje vrijeme sazvati Izvršni odbor, uz podršku Generalnog sekretara.
- 2 Izvršni odbor NS/FS BIH saziva vanrednu Skupštinu ako Izvršni odbor NS FBiH ili FS RS traži vanrednu Skupštinu u ime svog entiteta. Takav pismeni zahtjev mora sadržavati tačke dnevnog reda sa kratkim obrazloženjem zahtjeva. Vanredna Skupština se održava u roku od 30 dana od prijema pismenog zahtjeva. Ako se Vanredna Skupština ne sazove, članovi koji su je tražili mogu sazvati Skupštinu u saradnji sa FIFA-om i UEFA-om.
- 3 Generalni sekretar pismeni poziv šalje najmanje deset (10) dana prije Vanredne Skupštine. Poziv sadrži dnevni red kao i druge prateće dokumente.
- 4 Kad se Vanredna Skupština sazove na inicijativu Izvršnog odbora, on mora sastaviti dnevni red. Kad se izvanredna Generalna skupština sazove na zahtjev nekog člana, dnevni red mora sadržavati tačku koju je predočio taj član. Izvršni odbor može dodavati i druge tačke.
- 5 Dnevni red Vanredne Skupštine ne može se mijenjati tokom same Skupštine.

Predsjedavajući Generalne skupštine

Član 27.

- ¹ Redovnim ili vanrednim skupštinama predsjedava Predsjednik NS/FS BiH. U slučaju odsutnosti Predsjednika, Skupštinom predsjedava Prvi potpredsjednik NS/FS BiH, ili u slučaju njegove odsutnosti, sastankom predsjedava Drugi potpredsjednik.
- ² Ukoliko su Predsjednik, Prvi potpredsjednik i Drugi potpredsjednik spriječeni da prisustvuju sastanku, Generalna skupština imenuje predsjedavajućeg.

Izbori

Član 28.

- ¹ Izbori se vrše tajnim glasanjem.
- ² Predsjednik, Prvi potpredsjednik, Drugi potpredsjednik i redovni članovi Izvršnog odbora biraju se na Skupštini, na osnovu liste kandidata koju odobre generalne skuštine NS FBiH i FS RS.
- ³ Sa liste kandidata, Skupština bira četiri člana Izvršnog odbora, koji predstavljaju područne saveze FS RS, zatim devet članova koji predstavljaju kantonalne/županijske saveze NS FBiH. Međutim, područni savezi FS RS i kantonalni/županijski savezi iz kojih je već izabran dati predsjednik (Predsjednik NS FBiH i Predsjednik FS RS) ne mogu predlagati kandidate za izbore za Izvršni odbor.
- ⁴ Kandidat iz svakog kantonalnog ili područnog saveza koji dobije najveći broj važećih glasova od delegata prisutnih na Skupštini NS/FS BiH izabran je u Izvršni odbor. Ako dva kandidata iz istog saveza dobiju jednak broj glasova u prvom glasanju, održava se drugi krug glasanja samo za ta dva kandidata. Od drugog glasanja nadalje, bira se kandidat sa najvećim brojem važećih glasova. Ako se kandidat ne izabere ni u drugom ili trećem glasanju, zato što svaki od njih i dalje osvaja isti broj važećih glasova, izbor tog člana Izvršnog odbora se zatvara i ponovo se otvara na Vanrednoj Skupštini, koju saziva Izvršni odbor, u svrhu završetka izbora članova Izvršnog odbora. Dati član ne može prosljeđivati novog kandidata/kandidate za izbor na novoj Vanrednoj Generalnoj skupštini, osim ako tako ne odluči Izborna Skupština, s obzirom na trenutnu ostavku kandidata koji je/su učestvovali na tim izborima. U slučaju kantonalnog/županijskog ili područnog saveza koji je već zastupljen po službenoj dužnosti u Izvršnom odboru NS/FS BiH, Generalna skupština bira, u skladu s ovom odredbom, zamjenskog člana od dva predložena kandidata.
- ⁵ Nakon izbora trinaest članova Izvršnog odbora na odgovarajući mandat, Skupština bira Predsjednika, Prvog potpredsjednika i Drugog potpredsjednika.

- ⁶ Samo izabrani članovi Izvršnog odbora i dva člana Izvršnog odbora po službenoj dužnosti su kandidati za izbor na ta tri mjesta, a Skupština NS/FS BiH počinje sa izborima Predsjednika, nakon toga Prvog potpredsjednika, i zaključuje sa Drugim potpredsjednikom. Kandidati izabrani na Vanrednoj Skupštini za završavne izbora za Izvršni odbor mogu biti kandidati za gore pomenute tri funkcije samo ako se te tri funkcije moraju izabrati na istoj Vanrednoj Skupštini.
- ⁷ Član Izvršnog odbora koji u prvom krugu glasanja dobije najmanje 3/4 važećih glasova delegata prisutnih na Generalnoj skupštini izabran je za Predsjednika. Kandidat sa najvećim brojem važećih glasova izabire se od drugog kruga glasanja nadalje. Od prvog kruga glasanja pa nadalje, kandidati s najmanjim dobivenim brojem važećih glasova eliminišu se iz narednih krugova glasanja. Ako dva ili više kandidata dobiju isti broj glasova, održava se drugi krug glasanja, samo između tih kandidata, dok se svi ostali kandidati automatski eliminišu iz narednih krugova glasanja. Ako se kandidat ne izabere ni u drugom ili trećem krugu glasanja, zbog kontinuirano istog broja važećih glasova, bira se kandidat koji je imao najveći broj važećih glasova tokom prvog glasanja na izborima za Izvršni odbor (uporedi stav 4 u gornjem tekstu). Isti princip se primjenjuje za izbor prvog i drugog Potpredsjednika. Ako Skupština još uvijek nema validan izborni rezultat, Izvršni odbor mora sazvati Vanrednu Skupštinu, da se završe tekući izbori, ukoliko Skupština ne odluči drugačije.
- ⁸ Prazni ili nevažeći glasački listići se prilikom brojanja glasova ne uzimaju u obzir.
- ⁹ Mandat članova Izvršnog odbora i članova pravnih tijela počinje po završetku izborne sjednice, a završava se po završetku sljedeće izborne Skupštine, sazvane u četvrtoj godini. Nadalje se primjenjuje član 34.
- ¹⁰ Izbori članova pravnih tijela NS/FS BiH obavljaju se u skladu sa istim izbornim procesom opisanim u ovom članu. Kandidati se moraju prijaviti u skladu sa Poslovníkom o radu Skupštine.

Kvorum za donošenje odluka

Član 29.

- ¹ Generalna skupština NS/FS BiH (redovna ili vanredna) donosi odluke $\frac{3}{4}$ većinom od ukupnog broja svih delegata Skupštine, kada se razmatraju sljedeća pitanja koja su pravovaljano najavljena u dnevnom redu:
- a) donošenje i izmjene Statuta NS/FS BiH;
 - b) donošenje i izmjene Poslovníka o radu Skupštine;
 - c) usvajanje i izmjene sistema takmičenja u BiH;
 - d) prijem, suspenzija i isključenje članova NS/FS BiH;
 - e) odluka o raspuštanju NS/FS BiH.

- 2 Ostale odluke donose se ako ih podrži apsolutna većina (50%+1) prisutnih delegata Skupštine.

Odluke i stupanje na snagu

Član 30.

- 1 Broj prebrojanih važećih glasova odlučuje o većini. Prazni ili nevažeći glasački listići ili bilo koji drugi oblik uzdržavanja se zanemaruju pri izračunavanju većine.
- 2 Odluka koja traži glasanje donosi se podizanjem ruke, osim ako Generalna skupština ne odluči drugačije.
- 3 Odluke koje donese Skupština stupaju na snagu odmah, osim ako Skupština ne odluči drugačije.

Zapisnik

Član 31.

- 1 Generalni sekretar imenuje člana osoblja koji će voditi zapisnik na sjednici Skupštine.
- 2 Zapisnik se verificira u roku od četiri sedmice od održavanja sjednice, a verificiraju ga tri (3) delegata imenovana za taj zadatak.
- 3 Taj verificovani zapisnik se smatra usvojenim ako u roku od trideset (30) dana od njegovog slanja svim članovima NS/FS i BIH Generalnom sekretaru ne stigne preporučenom poštom nijedna primjedba na njega.
- 4 U slučaju da budu dostavljene primjedbe, zapisnik se stavlja za konačno usvajanje na dnevni red naredne sjednice Skupštine.

Izmjene Statuta

Član 32.

- 1 Skupština je zadužena za izmjene Statuta.
- 2 Svi prijedlozi za izmjene Statuta Izvršni odbor člana ili Izvršni odbor moraju dostaviti Generalnom sekretarijatu u pismenom obliku, sa kratkim objašnjenjem.

VII IZVRŠNI ODBOR

Struktura i sastav

Član 33.

- 1 Izvršni odbor je izvršno tijelo NS/FS BiH.
- 2 Izvršni odbor sastoji se od petnaest (15) članova:
 - a) Predsjednik;
 - b) Prvi potpredsjednik;
 - c) Drugi potpredsjednik;
 - d) dvanaest (12) redovnih članova.
- 3 Izvršni odbor mora se sastojati od:
 - a) 10 članova iz NS F BiH, uključujući valjano izabranog Predsjednika NS FBiH, koji je po službenoj dužnosti član Izvršnog odbora NS/FS BiH;
 - b) 5 članova iz FS RS, uključujući valjano izabranog Predsjednika FS RS, koji je po službenoj dužnosti član Izvršnog odbora NS/FS BiH.
- 4 Ni NS FBiH ni FS RS ne mogu u istom mandatu imati na funkciji Predsjednika i Prvog potpredsjednika jednog od svojih članova Izvršnog odbora. Nadalje, NS FBiH ne može imati više od dvije (2) gore navedene funkcije.
- 5 Ako izabrani Predsjednik predstavlja jedan entitet (NS FBiH ili FS RS), onda Prvi potpredsjednik automatski mora biti izabran između članova Izvršnog odbora iz drugog entiteta (FS RS ili NS F BiH).
- 6 Izbor Drugog potpredsjednika otvoren je samo za kandidate iz Izvršnog odbora koji predstavljaju NS FBiH.

Kandidature, mandat, zamjena

Član 34.

- 1 Izvršni odbor se mora birati putem slobodnih izbora.

- 2 Najmanje 20 dana prije izborne Generalne skupštine, NS FBiH i FS RS Generalnom sekretaru dostavljaju listu kandidata (uključujući njihove radne biografije) za Izvršni odbor, koja sadrži:
- a) iz NS FBiH, najmanje 27 imena koja predstavljaju 9 kantonalnih/županijskih fudbalskih saveza, ali ne sa više od tri (3) kandidata po svakom; onaj kantonalni/županijski savez iz kojeg je Predsjednik NS FBiH predlaže najmanje 2 kandidata za izbor zamjenskog člana.
 - b) iz FS RS, najmanje 12 imena koja predstavljaju 6 područnih saveza, ali ne sa više od tri kandidata po svakom; onaj područni savez iz kojeg je Predsjednik FS RS predlaže najmanje 2 kandidata za izbor zamjenskog člana
- 3 Mandat članova Izvršnog odbora i njihovih zamjenskih članova izabranih na nivou NS/FS BiH je četiri godine. Međutim, Predsjednik se ne može na više od dva uzastopna mandata birati iz istog entiteta (NS FBiH ili FSR).
- 4 Mandat članova Izvršnog odbora po službenoj dužnosti je definiran Statutom datog člana NS/FS BiH (NS FBiH ili FS RS), a primjenjuje se i na njihov mandat na nivou NS/FS BiH.
- 5 Svaki član Izvršnog odbora podliježe reizboru.
- 6 Oni kandidati koji nisu izabrani za članove Izvršnog odbora su kandidati za izbor zamjenskih članova Izvršnog odbora, sa istim mandatom, koji predstavljaju svoje kantonalne ili područne saveze. Kao zamjenski član se bira kandidat jednog od odgovarajućih kantonalnih ili područnih saveza koji dobije najviše važećih glasova.
- 7 Takav zamjenski član mijenja odgovarajućeg izabranog člana, do sljedeće redovne Skupštine, kad će se izabrati zamjena za preostali mandat, u slučaju:
- a) smrti,
 - b) ostavke,
 - c) razrješenja,
 - d) nesposobnosti obavljanja dužnosti zbog teške bolesti ili nesreće, prema ocjeni Izvršnog odbora,
 - e) automatske zamjene zbog toga što član Izvršnog odbora nije prisustvovao sastancima kako je navedeno u članu 37. stav 4. Statuta.

- 8 Ako Predsjednik NS FBiH ili FS RS mora biti zamijenjen iz bilo kog razloga definisanog u prethodnom stavu 7., ili iz razloga koje definiše, ili o kojima odluči NS/FS FBiH ili FS RS, funkcija u Izvršnom odboru NS/FS BiH se u isto vrijeme povlači automatski. Valjano izabran zamjenski član iz odgovarajućeg kantonalnog/županijskog ili područnog saveza zamjenjuje odlazećeg *ex officio* člana dok se ne izabere novi Predsjednik NS FBiH ili FS RS. Takav zamjenski član postaje samo redovni član Izvršnog odbora NS/FS BiH, te u ostatku mandata na nivou NS/FS BiH ne može preuzeti funkciju Predsjednika, Prvog potpredsjednika ili Drugog potpredsjednika NS/FS BiH, osim ako tako ne odluči Izvršni odbor NS/FS BiH.

Nadležnost Izvršnog odbora

Član 35.

- 1 Izvršni odbor ima sljedeće nadležnosti:
- a) definiše strategiju NS/FS BiH i njegovih članova u svim aspektima nogometa/fudbala i osigurava njenu implementaciju u skladu sa Statutom i propisima NS/FS BiH;
 - b) donosi odgovarajuće odluke i formira direktive vezano za obaveze NS/FS BiH na međunarodnom nivou;
 - c) usvaja Organizacione propise Generalnog sekretarijata;
 - d) utvrđuje prijedloge za razvoj nogometa/fudbala i programe unapređenja na nivou NS/FS BiH i daje uputstva svojim članovima u tom smislu;
 - e) utvrđuje prijedlog budžeta NS/FS BiH i priprema materijale za završni račun i za obračun prihoda i rashoda;
 - f) donosi kalendar takmičenja na nivou NS/FS BiH, koji je usklađen sa međunarodnim kalendarom utakmica koji izdaje FIFA;
 - g) usvaja i donosi izmjene propisa na nivou NS/FS BiH;
 - h) usvaja i mijenja takmičarska pravila za takmičenja koja se igraju pod pokroviteljstvom NS/FS BiH, uključujući registraciju igrača i službenih lica;
 - i) imenuje i razrješava stručna lica reprezentacija NS/FS BiH;
 - j) uspostavlja ad hok (privremene) komitete, ako su potrebni, u bilo koje vrijeme,
 - k) imenuje i razrješava predsjedavajuće, potpredsjedavajuće i redovne članove i članove stalnih i ad hok komiteta;

- l) razmatra i usvaja izvještaje stalnih i ad hok komiteta i Generalnog sekretarijata;
 - m) Skupštini predlaže kandidate za zvanje počasnog predsjednika i počasnog člana;
 - n) utvrđuje uslove za izbor Generalnog sekretara i definiše njegov Opis poslova i zadataka;
 - o) imenuje i razrješava Generalnog sekretara na prijedlog Predsjednika;
 - p) na osnovu provedene tenderske procedure predlaže nezavisnog revizora NS/FS BiH;
 - q) nadzire zakonitost rada Generalnog sekretarijata u skladu sa utvrđenim zakonskim okvirom i odlukama NS/FS BiH.
 - r) priprema i saziva redovne i vanredne sastanke Skupštine.
 - s) razrješava članove tijela NS/FS BiH;
 - t) privremeno suspenduje člana NS/FS BiH, do sljedeće Skupštine;
 - u) razrješava sadašnjeg člana Izvršnog odbora i imenuje odgovarajućeg zamjenskog člana, kad se primjenjuje član 34. stav 5. Statuta;
 - v) odobrava sve ugovore sa agencijama, TV kućama, sponzorima, kladioničarskim firmama, kao i sve ugovore o kreditu;
 - w) imenuje za preostali mandat, a do naredne Generalne skupštine, Predsjednika, Prvog i Drugog potpredsjednika, u slučaju upražnjenog mjesta.
 - x) odbija priznavanje izabranog člana izvršnog tijela bilo kojeg člana NS/FS BiH ili njihovih članova na osnovu uticaja trećih lica – ova odredba primjenjuje se u slučajevima u kojima je tijelo izabrano ili imenovano privremeno, da se riješi određeno pitanje vezano za rukovođenje poslovima i djelatnostima.
- ² Izvršni odbor odlučuje o i svim ostalim pitanjima koja nisu u nadležnosti nekog drugog statutarnog tijela NS/FS BiH.

Sjednice i dnevni red

Član 36.

- ¹ U pravilu, Izvršni odbor NS/FS BiH sastaje se jednom mjesečno. Sjednicu saziva i njom predsjedava Predsjednik. Generalni sekretar takve pozive šalje svim članovima, sa datumom, mjestom i vremenom, najmanje četrnaest (14) dana prije sastanka. Na pismeni zahtjev najmanje pet (5) članova, Predsjednik je dužan sazvati sjednicu Izvršnog odbora NS/FS BiH, koja se mora održati u roku od narednih deset (10) radnih dana.

- ² Članovi Izvršnog odbora NS/FS BIH mogu dostaviti Generalnom sekretaru teme za dnevni red, uključujući i kratko obrazloženje, najmanje deset (10) radnih dana prije održavanja sjednice.
- ³ Generalni sekretar, konačni dnevni red koji je odobrio Predsjednik, dostavlja članovima Izvršnog odbora NS/FS BIH najmanje sedam (7) dana prije sjednice.
- ⁴ Sjednica Izvršnog odbora NS/FS BIH nije otvorena za javnost. Izvršni odbor može pozvati treća lica da prisustvuju sjednici Izvršnog odbora. Ta treća lica nemaju pravo glasa, ali im je dozvoljeno da izraze svoje mišljenje uz dozvolu Izvršnog odbora.
- ⁵ Generalni sekretar prisustvuje sjednicama Izvršnog odbora u konsultativnom svojstvu.

Kvorum prisustva

Član 37.

- ¹ Izvršni odbor može donositi valjane odluke ako je prisutno najmanje 12 članova.
- ² Ako se ne postigne ovaj kvorum, Izvršni odbor se automatski mora sastati narednog radnog dana na istom mjestu i u isto vrijeme, da bi razmatrao isti dnevni red.
- ³ Na drugoj sjednici Izvršni odbor može pravovaljano donositi odluke ako je prisutno najmanje osam (8) članova.
- ⁴ Ako član Izvršnog odbora NS/FS BIH ne prisustvuje na najmanje tri propisno sasvana sastanka tokom iste kalendarske godine, Izvršni odbor mora razriješiti takvog člana i zamijeniti ga odgovarajućim zamjenskim članaom do naredne Skupštine.
- ⁵ Ako član Izvršnog odbora napusti propisno sazvan sastanak bez opravdanog razloga, Izvršni odbor može, na osnovu svog diskrecionog prava, razriješiti takvog člana i zamijeniti ga odgovarajućim zamjenskim članom do naredne Skupštine.

Kvorum za donošenje odluka i stupanje na snagu

Član 38.

- ¹ Izvršni odbor donosi pravovaljane odluke ako za njih glasa više od dvije trećine prisutnih članova.

- ² Na ponovo zakazanoj sjednici, sjednici, pravovaljane odluke se donose ako je za njih glasala barem apsolutna većina (tj.50%+1) prisutnih članova.
- ³ Međutim, odluke koje se tiču pitanja definisanih članom 35. stavovima 1b), 1c), 1g), 1i), 1k), 1o), 1s), 1t) i 1u), 1v) i 1w) traže na prvom sastanku podršku najmanje 12 članova, a više od dvije trećine prisutnih članova na drugom sastanku sa istim dnevnim redom.
- ⁴ Izvršni odbor može donositi odluke samo o onim pitanjima koja su pravovaljano stavljena na dnevni red.
- ⁵ Odluke Izvršnog odbora stupaju na snagu odmah, osim ako Izvršni odbor odluči drugačije.

Komiteet za hitnost NS/FS BiH

Član 39.

- ¹ Komitet za hitnost NS/FS BiH bavi se svim pitanjima koja traže da budu riješena odmah, između dva sastanka Izvršnog odbora.
- ² Komitet za hitnost NS/FS BiH sastoji se od šest (6) članova:
- a) Predsjednika;
 - b) Prvog potpredsjednika;
 - c) Drugog potpredsjednika
 - d) tri (3) druga redovna člana Izvršnog odbora, koje imenuje Predsjednik, od slučaja do slučaja, a u skladu sa njihovom dostupnošću i uz izbjegavanje sukoba interesa.
- ³ Četiri (4) člana moraju predstavljati NS FBiH, a dva (2) FS RS.
- ⁴ Generalni sekretar, po zahtjevu Predsjednika, saziva sastanke Komiteta za hitnost. Ako se sastanak ne može sazvati u odgovarajućem vremenskom roku, odluke se mogu donosti drugim sredstvima komunikacije (telefon, telefaks, pismo ili elektronska pošta).
- ⁵ Ako Predsjednik, Prvi potpredsjednik i/ili Drugi potpredsjednik nisu u mogućnosti da prisustvuju ili imaju sukob interesa, sastav Komiteta za hitnost upotpunjuje se kroz imenovanjem daljnjih redovnih članova Izvršnog odbora, po redoslijedu najviše rangiranog i nepristrasnog člana ili, u slučaju da su samo redovni članovi dostupni, po starini.

- 6 Član Izvršnog odbora koji u konačnici ima pravo da imenuje članove Komiteta za hitnost za konkretan slučaj, isto tako i predsjedava umjesto Predsjednika.
- 7 Generalni sekretar zadužen je za administraciju Komiteta za hitnost i može prisustvovati sastancima u savjetodavnom svojstvu. Daje administrativnu podršku i vodi zapisnik na tim sastancima, koji podnosi svim članovima Izvršnog odbora, u pismenom obliku, u roku od tri radna dana.

Nadležnosti i odlučivanje

Član 40.

- 1 Komitet za hitnost je ovlašten da donosi odluke o hitnim pitanjima koja ulaze u nadležnost Izvršnog odbora.
- 2 Komitet za hitnost donosi valjane odluke ako svi imenovani članovi prisustvuju sastanku ili su uključeni u proces odlučivanja. Odluka se donosi ako je podrži najmanje pet članova, ali se uvijek mora tražiti konsenzus.
- 3 Ako se ne odluči drugačije, takva odluka na snagu stupa odmah.
- 4 Na narednoj sjednici Izvršnog odbora, predsjedavajući Komiteta za hitnost obavještava sve članove o vijećanju i odlukama, kao i o izvršenju tih odluka.

Predsjednik NS/FS BiH

Član 41.

- 1 Predsjednik predstavlja i postupa u ime NS/FS BiH.
- 2 On je prvenstveno zadužen za:
- a) provođenje odluka koje donese Generalna skupština i Izvršni odbor, kao i Komitet za hitnost, kroz Generalni sekretarijat;
 - b) osiguravanje djelotvornog funkcioniranja tijela NS/FS BiH, da bi se ostvarili ciljevi opisani u ovom Statutu i programima koje odobri Generalna skupština ili drugo nadležno tijelo;
 - c) nadziranje rada Generalnog sekretarijata;
 - d) održavanje odosa između NS/FS BiH i njegovih članova, FIFA-e, UEFA-e i svih drugih saveza članova, kao i političkih vlasti i svih drugih organizacija.
- 3 Samo Predsjednik može predložiti imenovanje ili razjrešenje Generalnog sekretara.

- 4 Uz podršku Generalnog sekretara, Predsjednik saziva i priprema sastanke Generalne skupštine, Izvršnog odbora, kao i Komiteta za hitnost, kojem i predsjedava.
- 5 Predsjednik koordinira rad Generalne skupštine, Izvršnog odbora i Komiteta za hitnost, te prati rad pravnih tijela, kao i stalnih i ad hok komiteta.
- 6 U slučaju neriješenog glasanja na Izvršnom odboru ili Komitetu za hitnost, Predsjednikov glas je odlučujući.
- 7 U odsutnosti Predsjednika ili nemogućnosti da izvršava svoje dužnosti zbog bolesti ili nesreće, Prvi potpredsjednik preuzima njegova ovlaštenja i dužnosti. Ako je odsutan i Prvi potpredsjednik, Drugi potpredsjednik preuzima njegova ovlaštenja i dužnosti. Ako nijedan od ovih članova nisu u mogućnosti da preuzmu dužnost, Izvršni odbor imenuje zamjenika iz svojih članova, do naredne Skupštine.
- 8 Predsjednik, zajedno sa Generalnim sekretarom, ima pravo da bude ovlašteni potpisnik, osim ako nije drugačije uređeno propisima Izvršnog odbora.

Razrješenje pojedinca ili tijela

Član 42.

- 1 Skupština može razriješiti pojedinca ili tijelo. Izvršni odbor može razrješenje pojedinca ili tijela staviti na dnevni red Generalne skupštine. Izvršni odbor može privremeno razriješiti pojedinca ili tijelo, što odmah stupa na snagu, ako je takvo lice počinilo teško kršenje Statuta, propisa ili odluka donesenih na osnovu Statuta, ili izvršilo teško krivično djelo. Član Izvršnog odbora može podnijeti projeklog da se takav zahtjev za razrješenje stavi na dnevni redi Izvršnog odbora ili Generalne skupštine.
- 2 Zahtjev za razrješenje mora biti opravdan. Šalje se članovima NS/FS BiH, zajedno sa dnevnim redom.
- 3 Dotični pojedinac ili tijelo ima pravo da traži se oglasi u svoju odbranu. Ako je dotični pojedinac delegat u Skupštini iii član Izvršnog odbora, nema prvo glasa i tokom procesa glasanja mora napustiti prostoriju.
- 4 Ako se zahtjev za razrješenje podrži, Skupština ili Izvršni odbor donosi odluku tajnim glasanjem. Da bi se takav zahtjev usvojio, potrebna je većina od više od dvije trećine važećih glasova prisutnih članova.
- 5 Pojedinac ili tijelo koji su razriješeni (privremeno) moraju se odmah osloboditi svojih dužnosti. Takav pojedinac ili tijelo zamjenjuju se u skladu sa Statutom.

VIII KOMITETI

Stalni i ad hok (privremeni) komiteti

Član 43.

- ¹ Stalni komiteti NS/FS BIH su savjetodavna tijela Izvršnog odbora :
- a) Finansijski komitet;
 - b) Komitet za takmičenja;
 - c) Tehnički komitet;
 - d) Komitet za sportsku medicinu;
 - e) Komitet za sudije i suđenje;
 - f) Komitet za omladinski i ženski nogomet;
 - g) Komitet za mali nogomet;
 - h) Komitet za status igrača i transfer;
 - i) Pravni komitet;
 - j) Komitet za stadione i sigurnost;
 - k) Komitet za medije;
 - l) Komitet za marketing i TV.
- ² Izvršni odbor može stalnim komitetima povjeriti moć odlučivanja, kako je to definisano organizacionim pravilima.
- ³ Izvršni odbor NS/FS BIH može po potrebi osnivati ad hok (privremene) komitete radi rješavanja posebnih pitanja na određen vremenski period. On određuje i sastav i definira odgovarajuća prava i dužnosti.
- ⁴ Svaki stalni ili ad hok komitet sastoji se od tri (3) ili šest (6) članova, uključujući predsjedavajućeg i dva (2) potpredsjedavajuća, u skladu sa Organizacionim pravilima.

- 5 Izvršni odbor osigurava da dvije trećine gore pomenutih stalnih komiteta budu pod predsjedavanjem predstavnika NS FBiH, a jedna trećina pod predsjedavanjem predstavnika FS RS.
- 6 Predsjedavajući ili jedan od dva (2) potpredsjedavajuća mora predstavljati FS RS.

Sastav i imenovanje komiteta

Član 44.

- 1 Predsjedavajućeg, dva (2) potpredsjedavajuća i članove svakog stalnog komiteta imenuje Izvršni odbor na mandat od četiri (4) godine, uz mogućnost ponovnog imenovanja.
- 2 Sastav članova stalnih komiteta mora biti u skladu sa članom 18. stav 6. Statuta

Sjednice, odluke i druge odredbe

Član 45.

- 1 Predsjedavajući predstavlja komitet. Nakon konsultacija sa Generalnim sekretarom, on određuje datume i dnevni red sjednica.
- 2 Predsjedavajući je odgovoran da komitet valjano obavlja svoje poslove i da o tome redovno informiše Izvršni odbor, putem promptnog dostavljanja zapisnika sa sjednica.
- 3 Profil članova, prava, dužnosti i način rada svakog stalnog i ad hoc komiteta utvrđuju se Organizacionim propisima. Odluka se donosi ako je prisutno više od pola članova, a usvojena je ako je podrži apsolutna većina (50% + 1) prisutnih članova.

IX GENERALNI SEKRETARIJAT

Zadaci

Član 46.

- 1 Generalni sekretarijat obavlja svakodnevne aktivnosti administrativno-pravnog, knjigovodstveno-finansijskog, komercijalno-marketinškog karaktera i opsluživanje takmičenja. Nadalje, on statutarnim tijelima pruža neophodnu administrativnu podršku.

² Generalnim sekretarijatom rukovodi Generalni sekretar.

Odgovornosti

Član 47.

- ¹ Generalni sekretarijat je odgovoran za administrativna pitanja, kao što su:
- a) provođenje odluka statutarnih tijela NS/FS BiH;
 - b) upravljanje i ispravno vođenje računovodstva NS/FS BiH;
 - c) pripremanje sjednica Skupštine, sastasnaka Izvršnog odbora, Komiteta za hitnost, stalnih i ad hoc komiteta;
 - d) vođenje zapisnika na sjednicama Izvršnog odbora, Komiteta za hitnost, stalnih i ad hoc komiteta;
 - e) odnosi sa javnošću, putem Predsjednika, Generalnog sekretara i portparola NS/FS BiH;
 - f) pomoć i podrška NS/FS BiH i njegovim članovima;
 - g) korespondencija NS/FS BiH.
- ² Organizacija, kao i prava i obaveze Generalnog sekretarijata definisani su Organizacionim propisima, po prijedlogu Predsjednika i Generalnog sekretara.

Generalni sekretar

Član 48.

- ¹ Generalni sekretar je odgovorni administrativni izvršni direktor Generalnog sekretarijata. Imenuje ga Izvršni odbor kao zaposlenika NS/FS BiH na osnovu ugovora o radu uređenog privatnopravnim propisima.
- ² Daljnje odredbe o nadležnostima, pravima, dužnostima i zahtjevima za imenovanje i ostalim principima oko njegovog imenovanja i reizbora, utvrđuje Izvršni odbor svojom odlukom, na prijedlog Predsjednika.
- ³ Generalni sekretar prisustvuje sjednicama statutarnih tijela NS/FS BiH u savjetodavnom svojstvu. U slučaju spriječenosti, može imenovati svoju zamjenu. On takvim sastancima daje neophodnu administrativnu podršku i time što imenuje kvalifikovane službenike.

- 4 Generalni sekretar Izvršnom odboru redovno podnosi izvještaje o aktivnostima, kao i ažurirane finansijske izvještaje.
- 5 Ovlaštenje Generalnog sekretara za potpisivanje uređeno je članom 41. stav 8. ovog Statuta.

X FINANSIJE

Finansijska godina, budžet i odgovornosti

Član 49.

- 1 Finansijska godina NS/FS BiH počinje 1. januara/siječnja, a završava se 31. Decembra/prosinca.
- 2 Za svaku finansijsku godinu Generalni sekretar i njegovo finansijsko osoblje u administraciji NS/FS BiH pripremaju Budžet prihoda i rashoda i šalju ga Izvršnom odboru na pregled.
- 3 Konačna verzija se podnosi Skupštini na saglasnost, uključujući finansijske izvještaje i obračun dobiti i gubitaka za prošlu kalendarsku godinu.
- 4 Vanredne troškove koji nisu predviđeni u budžetu mora odobriti Izvršni odbor putem dodatnog kreditiranja. U takvom slučaju, Izvršni odbor mora osigurati da Budžet NS/FS BiH bude rebalansiran kroz odgovarajuće aktivnosti.
- 5 Generalni sekretar je zadužen za računovodstvo i knjigovodstvo NS/FS BiH, koje mora biti u skladu sa državnim zakonodavstvom. Podršku mu pruža finansijski sektor Generalnog sekretarijata.
- 6 Generalni sekretar na svakom sastanku Izvršnog odbora podnosi finansijski izvještaj na raspravu i usvajanje.

Nezavisni revizor

Član 50.

- 1 Izvršni odbor Skupštini predlaže imenovanje kvalificirane i međunarodno priznate nezavisne revizorske kuće.
- 2 Izvršni odbor se mora dogovoriti o zaključenju jednogodišnjeg ugovora sa imenovanim nezavisnim revizorom. Ta revizorska kuća može biti ponovo imenovana.

- ³ Nezavisni revizor će provesti reviziju obračuna koje je odobrio Izvršni odbor, na prijedlog Financijskog komiteta, i na Generalnoj skupštini podnosi izvještaj na usvajanje.

XI PRIHODI I RASHODI S/FS BIH

Prihodi i rashodi

Član 51.

- ¹ Prihod NS/FS BIH se sastoji od:

- a) zarada od ulaznica;
- b) sportskog klađenja sa firmama koje su licencirane u državi;
- c) TV prava;
- d) sponzorstva;
- e) marketinškog plasmana pravâ na koja NS/FS BiH polaže pravo;
- f) financijske potpore/pomoći;
- g) prihod od kazni i sankcija koje izreknu ovlaštena tijela;
- h) prihoda od obrazovnih kurseva NS/FS BiH za stručne kadrove i igrače;
- i) članarina i taksi od članova NS/FS BIH, klubova, sudija, trenera, igrača i ostalih dužnosnika;
- j) drugih prihoda.

- ² Sredstva iz prihoda NS/FS BIH mogu se koristiti isključivo za razvoj nogometa/fudbala, a u skladu sa ciljevima i zadacima NS/FS BIH;

- ³ Iz prihoda NS/FS BIH se financiraju sljedeće aktivnosti:

- a) razvoj omladinskog i ženskog fudbala, kao i malog nogometa/fudbala i fudbala na pijesku;

- b) organizacija utakmica reprezentativnih selekcija NS/FS BiH;
- c) rad statutarnih tijela NS/FS BiH;
- d) rad Generalnog sekretarijata NS/FS BiH;
- e) aktivnosti saveza članova;
- f) obuka/edukacija kadrova;
- g) infrastruktura u vlasništvu NS/FS BiH;
- h) usluge koje pružaju drugi (PTT, štampanje, komunalije, kancelarijski materijal i dr.);
- i) reklama, pokloni, subvencije i dr.,
- j) planirane aktivnosti saveza članova, i
- k) drugi troškovi kako su planirani u budžetu i u skladu sa ciljevima koje ostvaruje NS/FS BiH.

Finansijski principi

Član 52.

- 1 NS/FS BiH organizuje, vodi knjigovodstvo, finansijske i komercijalne poslove u skladu sa usvojenim budžetom i poštujući računovodstvene i finansijske propise Bosne i Hercegovine.

XII MEDIJI

Prava na takmičenja i prava na utakmice

Član 53.

- 1 NS/FS BiH i njegovi članovi su izvorni vlasnici svih prava koja proizilaze iz takmičenja i drugih manifestacija u njihovoj nadležnosti, bez ograničenja u smislu sadržaja, vremena i mjesta. Ta prava između ostalog uključuju svaku vrstu finansijskih prava, prava audiovizuelnog i radijskog snimanja, reprodukcije i emitovanja, multimedijalna prava, internet prava, marketinška i promotivna prava i srodna korporativna prava, kao što su amblemi i prava koja proističu iz Zakona o autorskim pravima.

- 2 Izvršni odbor odlučuje o tome kako i do kojeg nivoa se koriste takva prava i donosi posebne propise u tom cilju. Izvršni odbor je jedini koji odlučuje o tome da li se ta prava koriste ekskluzivno ili zajednički sa nekom trećom stranom, ili u potpunosti preko treće strane.
- 3 U saradnji sa NS/FS BiH, klubovi mogu biti nosioci samo onih prava koja je priznala UEFA i/ili FIFA iz stava 1. ovog člana, za utakmice koje se igraju u međunarodnim klupskim takmičenjima, kao i za turnire čiji su organizatori klubovi.

XIII TAKMIČENJA

Takmičenja na nivou države

Član 54.

- 1 NS/FS BIH je nadležan i odgovoran za formiranje i ukidanje takmičenja na teritoriji Bosne i Hercegovine za svoje klubove i članove.
- 2 NS/FS BIH može neke od svojih nadležnosti i odgovornosti delegirati na članice NS/FS BIH, pod uslovom da Skupština donese odluku o tome.

Takmičenja NS/FS BIH

Član 55.

- 1 NS/FS BIH organizuje sljedeća takmičenja:
- a) najkvalitetnija prvenstvena takmičenja u BiH u muškoj i ženskoj konkurenciji, svih uzrasnih kategorija u velikom i malom nogometu/fudbalu;
 - b) finalnu fazu kup takmičenja Bosne i Hercegovine u muškoj seniorskoj konkurenciji u velikom nogometu/fudbalu sa najmanje trideset dva (32) kluba, kao i finalnu fazu drugih kup takmičenja Bosne i Hercegovine u muškoj i ženskoj konkurenciji, te kup takmičenja u malom nogometu/fudbalu, sa odgovarajućim brojem klubova;
- 2 U skladu sa ovim Statutom, ostala stalna takmičenja su u nadležnosti entitetskih saveza (NS FBIH i FSRs).
- 3 Sva takmičenja i utakmice na teritoriji Bosne i Hercegovine moraju biti usklađeni sa međunarodnim kalendarom utakmica koji sastavlja FIFA.

Domaće i međunarodne utakmice i takmičenja

Član 56.

- 1 Nadležno tijelo NS/FS BiH, u skladu s odlukom Izvršnog odbora, odgovorno je za davanje saglasnosti za odigravanje svih utakmica na teritoriji Bosne i Hercegovine u kojima učestvuju jedan ili više timova iz drugih saveza članova FIFA-e, a ne ugrožavaju takmičarske utakmice iz međunarodnog i domaćeg fudbalskog kalendara.
- 2 Ovlaštenje za organizovanje međunarodnih utakmica i takmičenja između timova NS/FS BiH i između liga i/ili klupskih timova ima isključivo FIFA i/ili UEFA. Nijedna utakmica ili takmičenje ne mogu se održati bez prethodne dozvole FIFA-inog Izvršnog odbora. Pored toga, može biti potrebna i dozvola UEFA-e u skladu sa FIFA-inim i UEFA-inim propisima.

Pravila takmičenja

Član 57.

- 1 Izvršni odbor usvaja Pravila takmičenja za takmičenja na državnom nivou i za druga takmičenja koja su u njenoj nadležnosti.
- 2 Svaki klub koji želi učestvovati u nekom domaćem takmičenju mora se saglasiti da bude vezan za i da poštuje Statut NS/FS BiH, propise i direktive NS/FS BiH kao i odluke donosene u skladu s njima.
- 3 Svaki klub koji želi učestvovati u nekom međunarodnom takmičenju mora se saglasiti da bude vezan Statutom i da poštuje Statut, propise i direktive FIFA-e i/ili UEFA-e, kao i odluke donosene u skladu s njima.

Licenciranje klubova

Član 58.

- 1 Učešće klubova u domaćim klupskim takmičenjima i u međunarodnim klupskim takmičenjima uslovljeno je posjedovanjem licence koju izdaju tijela NS/FS BiH nadležna za licenciranje.
- 2 Tijela za licenciranje, kriteriji i postupak za licenciranje klubova utvrđuju se Pravilnikom za licenciranje klubova NS/FS BiH, koji usvaja Izvršni odbor NS/FS BiH i koji mora biti u skladu sa FIFA-inim i UEFA-inim odredbama za licenciranje klubova, koji je usvojio njihov dati Izvršni odbor.

Kombinacije i savezi klubova

Član 59.

- 1 Svaka liga ili bilo koja druga grupa klubova udruženih u NS/FS BIH mora biti podređena i priznata od strane NS/FS BIH.
- 2 Statuti i Pravilnici takvih udruženja prethodno moraju dobiti saglasnost Izvršnog odbora.
- 3 Članovi NS/FS BIH i njihovi klubovi ne smiju formirati nikakve kombinacije ili saveze bez prethodnog odobrenja Izvršnog odbora NS/FS BIH.
- 4 Kantonalni ili regionalni/područni i opštinski savezi i njihovi klubovi ne mogu formirati kombinacije ili saveze bez prethodnog odobrenja izvršnog odbora nadležnog entitetskog saveza.
- 5 Bez izričitog odobrenja NS/FS BIH, klubovi koji su učlanjeni u NS FBiH i FS RS ne mogu igrati protiv bilo kojeg kluba koji nije direktni član NS/FS BIH, putem priznatih kantonalnih, područnih i/ili entitetskih saveza. Isto se mora poštovati i kad se igra protiv stranog kluba. Takvi protivnici mogu direktno ili indirektno biti učlanjeni u jedan od FIFA-inih saveza članova.

XIV PRAVNA TIJELA

Pravna tijela i sastav

Član 60.

- 1 Pravna tijela NS/FS BIH su:
 - a) Disciplinska komisija;
 - b) Apelaciono (žalbeno) tijelo;
 - c) Tužioci;
 - d) Prvostepena komisija za licenciranje;
 - e) Apelaciona (drugostepena) komisija za licenciranje.
- 2 Članove pravnih tijela bira Skupština na mandat od četiri (4) godine, od kandidata koje odabere Skupština NS FBiH i FS RS. Svaki entitet prosljeđuje najmanje broj kandidata potrebnih da se upotpuni svako pojedinačno pravno tijelo, u roku za kandidaturu koju odredi Izvršni odbor.

- ³ Za izbor predsjedavajućeg i prvog zamjenika predsjedavajućeg se analogno primjenjuje član 33. stav 5. Statuta Nadalje, ako predsjedavajući prvostepenog tijela (npr. disciplinske ili komisije za licenciranje) bude izabran iz jednog entiteta (NS FBiH ili FS RS), onda se predsjedavajući drugostepenog tijela (npr. žalbene ili drugostepene komisije za licenciranje) mora automatski birati iz drugog entiteta (NS FBiH ili FS RS).
- ⁴ Sastav svakog tijela (uključujući zamjenske članove) mora odražavati zastupljenost definisanu članom 18. stav 6. Statuta.
- ⁵ Pravna tijela, izuzev Tužioca, sastoje se od:
- a) jednog predsjedavajućeg;
 - b) prvog potpredsjedavajućeg;
 - c) drugog potpredsjedavajućeg;
 - d) tri (3) redovna člana;
 - e) tri (3) zamjenska člana.
- ⁶ Prava i dužnosti svih pravnih tijela, kao i zahtjevi za njihovo članstvo, propisani su Organizacionim propisima koje usvaja Izvršni odbor. On usvaja i Disciplinske propise i Propise o licenciranju klubova, na prijedlog nadležnih pravnih tijela.
- ⁷ Predsjedavajući Disciplinske komisije i Apelacione komisije moraju biti diplomirani pravnici.
- ⁸ Ako jedno od pravnih tijela bude svedeno na šest (6) ili manje članova (uključujući zamjenske), Izvršni odbor odmah saziva Vanrednu Skupštinu za izbor novih članova/zamjenskih članova, da se upotpuni dato pravno tijelo za ostatak mandata. Ova odredba se ne odnosi na tužioce.
- ⁹ Članovi pravnih tijela ne mogu u isto vrijeme biti članovi niti jednog drugog tijela NS/FS BiH.

Sazivanje sastanaka, kvorum prisustva i odlučivanja

Član 61.

- ¹ Predsjedavajući svakog pravnog tijela saziva sastanke i imenuje one članove koji se moraju baviti predstojećim predmetima. U obzir uzima princip nezavisnost, a članovi se moraju automatski suzdržati od imenovanja ako postoji ili se može pojaviti sukob interesa.

- 2 Svaki poziv predsjedavajućeg upućuje se dvojici potpredsjedavajućih i trojici redovnih članova. Takav člana može se zamijeniti zamjenskim, kad je to potrebno, u skladu sa stavom 1 u gornjem tekstu ili kad takav član ne može prisustvovati iz drugih razloga (nesreća odmor, itd.).
- 3 Članovi pravnih tijela moraju prisustvovati sastancima i učestvovati u procesu odlučivanja putem obaveznog glasanja.
- 4 Kvorum prisustva za pravna tijela (Disciplinsku komisiju, Žalbeno tijelo, Prvostepenu komisiju za licenciranje i Žalbenu komisiju za licenciranje) su najmanje pet od pozvanih članova za tekuće predmete. Ako se ne postigne kvorum prisustva, u roku od narednih sedam (7) dana se saziva drugi sastanak, gdje najmanje tri (3) od pozvanih članova moraju biti prisutni.
- 5 Na prvom sastanku se odluke donose ako ih podrži najmanje pola prisutnih članova, a na drugom sastanku ako ih podrži više od pola prisutnih članova. U slučaju neriješenog glasanja, odlučujući glas ima predsjedavajući.
- 6 Ako valjano pozvan član ne prisustvuje sastanku bez opravdanog razloga ili ne glasa na dva uzastopna sastanka, predsjedavajući ga može zamijeniti zamjenskim članom.
- 7 Predsjedavajući obavještava Izvršni odbor o takvoj zamjeni člana, a Izvršni odbor može privremeno takvog člana razriješiti funkcije, što odmah stupa na snagu. Uz to, Izvršni odbor zahtijeva da se na narednoj Skupštini (redovnoj ili vanrednoj) glasa o razrješenju takvog člana. Ako se razrješenje potvrdi, delegati moraju održati izbore da bi ga zamijenili za ostatak mandata.

Disciplinska komisija

Član 62.

- 1 Disciplinska komisija sastoji se od devet (9) članova (uključujući i tri (3) zamjenska člana).
- 2 Predsjedavajući ili jedan (1) od dva (2) potpredsjedavajuća mora predstavljati FS RS.
- 3 Funkcionisanje ovog tijela rukovodi se Disciplinskim propisima NS/FS BiH.

Apelaciono tijelo

Član 63.

- 1 Apelaciono tijelo sastoji se od devet (9) članova (uključujući i tri (3) zamjenska člana).

- ² Predsjedavajući ili jedan (1) od dva (2) potpredsjedavajuća mora predstavljati FS RS.
- ³ Apelaciono tijelo zaduženo je za razmatranje žalbi protiv odluka Disciplinske komisije koje nisu proglašene konačnim u skladu sa Disciplinskim propisima.

Tužioci NS/FS BIH

Član 64.

- ¹ NS/FS BIH ima tri (3) Tužioca. Najmanje jedan (1) mora predstavljati FS RS.
- ² Tužilac zastupa interese NS/FS BIH u disciplinskim postupcima.
- ³ Izvršni odbor, Predsjednik i predsjedavajući bilo kojeg pravnog tijela može tražiti da Tužilac NS/FS provede istragu.
- ⁴ Tužilac ima pravo uložiti žalbu na odluku Disciplinske komisije.
- ⁵ Ovlaštenja i obaveze tužilaca, kao i traženi profil propisani su Disciplinskim propisima.

Tijela za licenciranje klubova

Član 65.

- ¹ Tijela za licenciranje klubova (tj. Prvostepena komisija za licenciranje i Apelaciona komisija za licenciranje) se sastoje od po devet (9) članova (uključujući tri (3) zamjenska).
- ² Predsjedavajući ili jedan (1) od dva (2) potpredsjedavajuća mora predstavljati FS RS.
- ³ Oba tijela moraju uključivati najmanje jednog (1) diplomiranog pravnika i jednog (1) financijskog stručnjaka sa visokom stručnom spremom.

XV DISCIPLINSKA PRAVILA

Disciplinska nadležnost

Član 66.

- ¹ Disciplinske mjere mogu biti izrečene za nesportsko ponašanje, povredu Pravila igre i prekršaj Statuta NS/FS BIH, FIFA-e i UEFA-e, propisa, direktiva ili odluka donesenih u skladu sa njima.

Disciplinski propisi i mjere

Član 67.

- ¹ Članovima, dužnosnicima i igračima i drugim učesnicima u organiziranom fudbalu na teritoriji NS/FS BiH pravna tijela mogu izreći disciplinske mjere i direktive, u skladu sa Disciplinskim pravilnikom NS/FS BiH.
- ² Fizičkim I pravnim licima se mogu izreći sljedeće mjere:

 - a) opomena;
 - b) ukor;
 - c) novčana kazna;
 - d) vraćanje nagrade;
 - e) vraćanje sportske titule.
- ³ Vrste disciplinskih mjera za fizička lica su:

 - a) upozorenje,
 - b) isključenje,
 - c) suspenzija sa utakmice,
 - d) zabrana pristupa svlačionicama i/ili klupama za rezerve,
 - e) zabrana ulaska na stadion,
 - f) zabrana učešća u aktivnostima vezanim za fudbal,
 - g) vraćanje dodijeljene licence i/ili diplome.
- ⁴ Vrste disciplinskih mjera za pravna lica su:

 - a) zabrana transfera;
 - b) igranje utakmica bez publike;
 - c) igranje utakmice na neutralnom terenu;
 - d) zabrana igranja na određenom stadionu;
 - e) poništavanje rezultata utakmice;

- f) isključenje;
- g) forfait (predaja utakmice službenim rezultatom);
- h) oduzimanje bodova;
- i) vraćanje u niži rang takmičenja.

Disciplinska tijela

Član 68.

- ¹ Disciplinska komisija i Apelaciono tijelo ovlašteni su za izricanje disciplinskih mjera.
- ² Uz disciplinske mjere, takva tijela mogu istovremeno odlučivati o direktivama koje traže određeno ponašanje od fizičkih i pravnih lica.

XVI SPOROVI

Nezavisni i nepristrani arbitražni tribunal - CAS

Član 69.

- ¹ NS/FS BiH, njegovi članovi, klubovi, igrači, službena lica i drugi učesnici u organiziranom nogometu/fudbalu mogu u konačnoj instanci svaki spor domaćeg karaktera koji proizilazi ili je vezan za NS/FS BiH Statut, propise, directive i odluke donesene u vezi s nijma, kao i sporove vezane za bilo koji ugovor, podnijeti na isključivu nadležnost CAS-a u Lozani, u Švicarskoj. Izvršni odbor može uspostaviti odgovarajući dogovor sa CAS-om kojim se određuje postupanje u slučajevima NS/FS BiH.
- ² CAS ostaje priznati arbitražni tribunal NS/FS BiH sve dok sportska organizacija ne uspostavi, u skladu sa zakonodavstvom BiH, odgovarajući arbitražni tribunal za teritoriju Bosne i Hercegovine, koja zadovoljava minimalne zahtjeve FIFA-e i UEFA-e.
- ³ CAS donosi konačna rješenja u sporovima, uz isključenje bilo kojeg redovnog suda, osim ako to nije eksplicitno zabranjeno važećim zakonima Bosne i Hercegovine,

- 4 U slučajevima kada je odluka statutarnog tijela NS/FS BIH postala konačna i nema drugih dostupnih pravnih lijekova, strana koja ima pravnog interesa može žalbu na takvu odluku podnijeti CAS-u, uz isključenje žalbe pred bilo kojim redovnim sudom.
- 5 Ako se strane ne dogovore drugačije, pred CAS-om važe švicarski zakoni.
- 6 Međutim, CAS neće razmatrati žalbe u ovim pitanjima:
- a) žalbe u vezi sa kršenjem Pravila igre;
 - b) žalbe na suspenzije do četiri utakmice ili do tri mjeseca;
 - c) žalbe na odluke koje donese nezavisni i propisno formirani arbitražni tribunal saveza ili konfederacije,
 - d) odluke tijela za licenciranje klubova.
- 7 Što se tiče FIFA-inih odluka u međunarodnim stvarima, primjenjuju se relevantne odredbe FIFA-inog Statuta.

Nadležnost

Član 70.

- 1 NS/FS BiH, njegovi članovi, igrači, službenici i agenti za utakmice i igrače svoje sporove neće podnositi redovnim sudovima, osim ako to nije konkretno predviđeno ovim Statutom i FIFA-inim propisima. Svako neslaganje će se podnositi na nadležnost FIFA-e, UEFA-e ili NS/FS BIH.
- 2 NS/FS BIH je nadležan u internim domaćim sporovima, tj. sporovima između stranaka koje pripadaju NS/FS BiH. FIFA je nadležna u međunarodnim sporovima, tj. sporovima između stranaka koje pripadaju različitim savezima i/ili konfederacijama.

XVII ZAVRŠNE ODREDBE

Važeći zakoni

Član 71.

- 1 U svim slučajevima kada je to potrebno, pored ovog Statuta, pravilnika, direktiva i Poslovnika Skupštine NS/FS BIH, kao i pored odluka nadležnih tijela NS/FS BIH, primjenjivat će se prvo odgovarajući statuti FIFA-e i UEFA-e, propisi i direktive, kao supsidijarni propis, prije primjene zakonodavstva Bosne i Hercegovine.

- 2 Postupci koji se provode pred statutarnim tijelima NS/FS BiH, vode se u skladu sa relevantnim odredbama propisa NS/FS BiH. Ako ti propisi ne daju odgovor, prvo se primjenjuju odgovarajući statuti FIFA-e i UEFA-e, propisi i direktive, kao supsidijarni propis, prije primjene Zakona o upravnom postupku Bosne i Hercegovine.

Pitanja koja nisu obuhvaćena Statutom

Član 72.

- 1 Izvršni odbor NS/FS je ovlašten da odlučuje o svim pitanjima koja nisu obuhvaćena ovim Statutom, ili u slučajevima više sile. On odlučuje u skladu sa pravom i pravdom.

Raspuštanje Saveza

Član 73.

- 1 U slučaju raspuštanja NS/FS BiH, njegova imovina prenosi se na Ministarstvo civilnih poslova Bosne i Hercegovine. Ministarstvo civilnih poslova će tu imovinu čuvati kao "bonus pater familiae" (sa pažnjom dobrog domaćina), do ponovne uspostave NS/FS BiH.

Usvajanje Statuta

Član 74.

- 1 Ovaj Statut usvojen je na sjednici Generalne skupštine NS/FS BiH održanoj 26.05.2011.godine.
- 2 Ovaj Statut potpuno zamjenjuje Statut usvojen 21. 12. 2006. godine.

Stupanje na snagu

Član 75.

- 1 Ovaj Statut stupa na snagu osmog dana od dana objavljivanja u službenom glasniku NS/FS BiH.

Obaveza prilagođavanja sadašnjih statuta

Član 76.

- 1 Obavezuju se entitetski savezi (NS FBiH i FS RS), kao i njihovi članovi i klubovi da svoje statute i druge akte prilagode u skladu sa ovim izmjenama i dopunama Statuta najkasnije u roku od osam mjeseci od stupanja na snagu ovog Statuta.
- 2 Sva nadležna statutarna tijela NS/FS BiH dužna su svoje akte, pravilnike i opise poslova i zadataka prilagode u skladu sa ovim izmjenama i dopunama Statuta najkasnije u roku od 3 (tri) mjeseca od stupanja na snagu ovog Statuta.

Prelazne odredbe

Član 77.

- 1 Odstupajući od člana 24, stava 2. Statuta, Komitet za normalizaciju koji su imenovale FIFA i UEFA najkasnije do 31.12.2011. saziva Vanrednu izbornu Skupštinu, da bi se izabrali članovi Izvršnog odbora NS/FS BiH, Predsjednik, Prvi potpredsjednik i Drugi potpredsjednik NS/FS BiH, na mandat od četiri godine.
- 2 Odstupajući od člana 24, stav 2, tačka g), i člana 34, stav 2, tačke a) i b) Statuta, Generalna skupština na dan 26.05.2011. odlučuje da smanji broj kandidata za Izvršni odbor NS/FS BiH na dva kandidata (uključujući zamjenske), umjesto po tri iz NS FBiH i FS RS, za izbore u godini 2011., 2015. i, ako tako odluči, za izbornu skupštinu za godinu 2019.
- 3 Članstvo u Izvršnom odboru NS/FS BiH po službenoj dužnosti, kako je definisano članom 33. stav 3. Statuta primjenjuje se počevši od izborne Skupštine za 2011. godinu nadalje.
- 4 Sva dalja pitanja koja se mogu pojaviti u pogledu Izborne Skupštine 2011. godine su u nadležnosti Komiteta za normalizaciju, kojeg je imenovala FIFA.
- 5 Prethodni stavovi po analogiji važe i za druga statutarna tijela NS/FS BiH koja će se birati na istoj Vanrednoj Skupštini 2011.
- 6 Odstupajući od člana 38. stav 1. Statuta, Skupština na dan 26. 05. 2011. odlučuje da poveća kvorum neophodan za donošenje valjanih odluka na prvom sastanku Izvršnog odbora, i to sa više od dvije trećine članova na najmanje dvanaest (12) članova. Ovo odstupanje primjenjuje se od dana usvajanja 2011. godine do kraja 2015. godine, a ako tako odluči gore pomenuta Skupština, i najmanje do kraja 2019. godine.

PREDSJEDNIK

Ivan Osim sr.

GENERALNI SEKRETAR

Jasmin Baković sr.

